

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
YAMAMOTO
NOV 21 1958

29

T 5237.47/1332

唐詩類苑卷第一百十六

哈佛大學漢和
圖書館珍藏印

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

羈旅

長安羈旅行

孟郊

十日一理髮每梳飛旅塵三旬九遇飲每食唯舊貧
萬物皆及時獨余不覺春失名誰肯訪得意爭相親

木有恬翼靜流無躁鱗始知喧競場莫處君子身
野策藤竹輕山蔬薇蕨新潛歌歸去來事外風景真
聽落離別中聲聲入幽腸曉淚滴楚瑟夜魂遶吳鄉
幾迴羈旅情夢覺殘燭光

長安羈旅

孟郊

羈春

王勃

客心千里倦春事一朝歸還傷北園裏重見落花飛

羈旅行

張籍

遠客出門行路難停車歛策在門端荒城無人霜滿
路野火燒橋不得度寒蟲入窟鳥歸巢僮僕問我誰

家去行尋田頭暗未息雙轂長轅礙荆棘緣岡入澗
投田家主人舂米爲夜食晨鷄喔喔茅屋傍行人起
掃車上霜舊山已別行已遠身計未成難復返長安
陌上相識稀遙望天門白日晚誰能聽我辛苦行爲
向軍前歌一聲

旅行

孟郊

楚水結冰薄楚雲爲雨微野梅參差發旅榜逍遙歸

旅行聞寇

盧延遜

寸步邊多事將行問四隣深山不畏虎當路却防人
無事助明代何門銷此身空慙兩行淚飄洒向紅塵

羈旅中奉答喻軍事問客情

釋善生

一自遊他國相逢少故人縱然爲客樂曾似在家貧
畜恨霜侵鬢搜詩病入神若非憐片善誰肯問風塵
旅中感遇寄呈李祕書昆仲

韋莊

南望愁雲鎖翠微謝家樓閣雨霏霏劉禎病後新詩
少阮籍貧來好客稀猶喜故人天外至許將孤劍日
邊歸懷鄉不怕嚴陵笑只待秋風別釣磯

旅次華州贈袁右丞

白居易

渭水綠溶溶華山青崇崇山水一何麗君子在其中
才與世會合物隨誠感通德星降人福時雨助歲功
化行入無訟囹圄千日空政順氣亦和黍稷三年豐
客自帝城來驅馬出關東愛此一郡人如見太古風
方今天子心憂人正冲冲安得天下守盡得如袁公
旅次湘沅有懷靈均

孟郊

分拙多感激久遊遵長塗經過湘水源懷古方踟躕
舊稱楚靈均此處殞忠軀側聆故老言遂得旌賢愚
名參君子場行爲小人儒騷人街貞亮體物情崎嶇
三黜有愠色卽非賢哲模五十爵高秩謬膺從大夫

唐詩類苑 卷之二百十六
三
胃襟積憂愁容鬢復一作先彫枯死爲不弔鬼生作猜
謗徒吟澤潔其身忠節寧見輸懷沙滅其性孝行焉
能俱且聞善稱君一何善自殊且聞過稱已一何過
不渝悠哉風土人角黍投川隅相傳歷千祀哀悼延
八區如今聖明朝養育無羈孤君臣逸雍熙德化盈
紛敷巾車狗前侶白日猶昆吾寄君臣子心戒此貞
良圖

旅次灞亭

沈頌

閑琴開旅思清夜有愁心圓月正當戶微風猶在林
蒼茫孤亭上歷亂多秋音言念待明發東山幽意深

旅次錢塘

方干

此地似鄉國堪爲朝夕吟雲藏吳相廟樹引越山禽
潮落海人散鐘遲秋寺深我來無舊識唯見寂寥心

旅次上饒溪

張祐

碧溪行幾折疑棹宿汀沙角斷孤城掩樓深片月斜
夜橋昏水氣秋竹靜霜華更想曾題壁凋零可歎嗟

春日旅次

朱慶餘

林中鶯又轉爲客恨因循故里遙千里青春過數春
弟兄來漸少歲月去何頻早晚榮一作營歸計中堂會
所親

唐詩卷之二十六
旅次岳陽寄京中親故

曹 鄴

君山南面浪連天一客愁心兩處懸
身逐片帆歸楚澤魂隨流水向秦川
月回浦北千尋雪樹出湖東幾
點煙更欲登樓向西望北風催上洞庭船

春晚旅次有懷

劉 滄

晚出關河綠野平依依雲樹動鄉情
殘春花盡黃鶯語遠客愁多白髮生
野水亂流臨古驛斷煙凝處近
孤城東西未遂歸田計海上青山久廢耕

南海旅次

曹 松

憶歸休上越王臺歸思臨高不易裁
爲客正當無鴈

處故園誰道有書來城頭早角吹霜盡
郭裏殘潮蕩月回心似百花閑未得
年年爭向彼春催

旅遊

賈 島

此心非一事書札若爲傳舊國別多日
故人無少年空巢霜葉落疎牖水螢穿
留得林僧宿中宵坐黯一作
默然

春日旅遊

劉 滄

玄髮辭家事遠遊春風歸鴈一聲愁
花開忽憶故山樹月上自登臨水樓
浩浩晴原人獨去依依春草水分流
秦川楚塞煙波隔怨別路岐何日休

旅眠

元稹

內外都無隔帷帳不復張夜眠兼客坐同在火爐牀

長安旅宿

錢起

九秋旅夜長萬感何時歇蕙花漸寒暮心事猶楚越
直躬遭世道咫尺步隔天闕每聞長樂鐘載泣靈臺月
明日北門外歸途堪白髮

旅宿

杜牧

旅館無良伴凝情自悄然寒燈思舊事斷鴈警秋眠
遠夢歸侵曉家書到隔年湘江好煙月門繫釣魚船
旅夜書懷

杜甫

細草微風岸危檣獨夜舟星垂平野濶月湧大江流
名豈文章著官應老病休飄飄何所似天地一沙鷗

夜泊旅望

白居易

少睡多愁客中宵起望鄉沙明連浦月帆白滿船霜
近海江彌濶迎秋夜更長煙波三十宿猶未到錢塘

旅泊吳門呈一二同志

張賁

一舸吳江晚堪憂病廣文鱸魚誰與伴鷗鳥自成羣
反照縱橫水斜空斷續雲異鄉無限思盡付酒醺醺

奉詔次韻旅泊吳門

陸龜蒙

高秋能叩觸天籟忽成文苦調雖潛倚靈音自絕羣

唐詩類考 卷之三百六
茅峯曾醮斗笠澤久眠雲許伴山中躅三年任一醺
有吳門旅泊之什多垂見和更作一章以伸

訓謝

張賁

偶發陶匏響皆蒙組繡文清秋將落帽子夏正離羣
有恨書燕鴈無聊賦郢雲徧看心自醉不是酒能醺

更次韻奉訓吳門旅泊

陸龜蒙

獨倚秋光岸風漪學簞文玄堪教鳳集書好換鵝羣
葉墮平臺月香銷古徑雲強歌飛白紵聊以送餘醺
秋日旅途卽事

劉滄

驅羸多自感煙草遠郊平鄉路幾時盡旅人終日行

渡邊寒水驛山下夕陽城蕭索更何有秋風向鬢生

巫山旅別

崔塗

五千里外三年客十二峯前一望秋無限別魂招不
得夕陽西下水東流

九江旅夜寄山中故人

伍喬

弱柳風高遠漏沉坐來難便息愁吟江城雪盡寒猶
在客舍燈孤夜正深塵土積年粘旅服關山無處寄
歸心此時遙羨閑眠侶靜掩雲扉向一林

吳安旅舍舒情投先達

劉駕

岐路不在地馬蹄從苦辛上國聞姓名不如山中人

大宅滿六街此身入誰門愁心日散亂有似空中塵
白雲下長安百蟲鳴草根方當秋賦日却憶歸山村
靜女頭欲白良媒况我鄰無令苦長歎長歎消人寬

巴賓旅寓寄朝中從叔 鄭谷

驚秋思浩然信美向巴天獨倚臨江樹初聞落日蟬
衰榮悲往事漂泊念多年未便甘休去吾宗盡見憐

和人歲宴旅舍見寄 韋莊

積雪滿前除寒光夜皎如老憂新歲近貧覺故交疎
意合論文後心降得句初莫言常鬱鬱天道有盈虛

暮冬長安旅舍 周賀

湖外誰相識思歸日日頻遍尋新住客少見故鄉人
失計空知命勞生耻為身看洞庭樹即是舊山春

南山旅舍與故人別 崔塗

一日又欲暮一年看即殘病知新事少老別舊交難
山盡路猶險雨餘春却寒那堪試迴首烽火是長安

旅舍早起 章碣

跡暗心多感神疲夢不遊驚舟同厭夜獨樹對悲秋
晚角和人戰殘星入漢流門前早行子敲鐙唱離憂

秋日旅舍別司空文明 李端

涼風颯窮巷秋思滿同雲吏隱俱不就此心仍別君

素懷宗澹泊羈旅念功勳轉憶西林寺江聲月下聞
巴南旅舍言懷 羅 鄴

萬浪千巖首未迴無慘相倚上高臺家山如畫不歸
去客舍似讐誰遣來紅淚罷窺連曉燭碧波休引向
風杯後時若有青雲望何事偏教羽翼摧

旅舍書懷寄所知 羅 隱

思量前事不堪尋牢落餘情滿素琴四海豈無騰躍
路一家長有別離心道從汨沒甘雌伏跡恐因
陸沉寂寞誰家弔空館異鄉時節獨沾襟

秋夜旅舍寓懷 薛 能

夜鎖荒蕪獨夜吟西風吹動故人心三秋木落半年
客滿地月明何處砧漁唱亂汀鷺合鴈聲寒咽隴
雲深平生只有松堪樹露浥霜欺不受侵

旅寓安南 杜審言

交趾殊風候寒遲暖復吹仲冬山菓熟正月野花開
積雨生昏霧輕霜下震雷故鄉踰萬里客思倍從來

同鄔戴關中旅寓 錢 起

文士皆求遇今人誰至公靈臺一寄宿楊柳再春風
更昔忘形友頻年失志同羽毛齊燕雀心事阻鴛鴻
留滯慚歸養飛鳴恨觸籠橘懷鄉夢裏書去客愁中

殘雪迷歸鴈韶光棄斷蓬吞悲問唐舉何路出屯蒙
旅情 周賀

黃葉下堦頻徐徐起病身殘秋螢出盡獨夜鴈來新
別業去千里舊鄉空四隣孤舟尋幾度又識岳陽人

旅情

杜牧

窻虛枕簟涼寢倦憶瀟湘山色幾時老人心終日忙
松風半夜雨簾月滿堂霜匹馬好歸去江頭橘正香

長安旅情

孟郊

盡說青雲路有足皆可至我馬亦四蹄出門似無地
玉京十二樓峩峩倚青翠下有千朱門何門薦孤士

江南旅情

祖詠

楚山不可極歸路但蕭條海色晴看雨江聲夜聽潮
劔留南斗近書寄北風遙爲報空潭橘無媒寄洛橋

渠江旅思

鄭谷

流落復蹉跎交親半逝波謀身非不切言命欲如何
故楚春田廢窮巴瘴雨多引人鄉淚盡夜夜竹枝歌

旅館秋思

于濬

旅館坐孤寂出門成苦吟何事覺歸晚黃花秋意深
塞蝶戀衰草軫我離鄉心更見庭前樹南枝巢宿禽

薊北旅思

張籍

唐詩類考 卷之一百一十六
日日望鄉國空誦白苧詞長因送人處憶得別家時
失意還獨語多愁祇自知客亭門外柳折盡向南枝

蜀中旅懷

王適

獨坐年將暮常懷志不通有時須問影無事則書空
棄置如天外平生似夢中逢心猶是客華髮欲成翁
跡滯魂逾窘情乖路轉窮別離同夜月愁思隔秋風
老少悲顏駟盈虛悞翟公時來不可問何用求童蒙

中秋旅懷

僧尚能

所畜惟騷雅兼之得困窮望鄉連北斗聽雨帶西風
稼穡村坊遠煙波路逕通冥搜清絕句恰似有神功

旅懷

周賀

不覺月又盡未歸還到春雪通廬岳夢樹匝草堂身
澤鴈和寒露江槎帶遠薪何年自此去舊國

旅懷

許渾

征車何軋軋南北極天涯孤枕易爲客遠書難到家
鄉連雲外樹城閉月中花猶有扁舟思前年別若耶

旅懷寄友人

黃滔

重疊愁腸只自知苦於吞蘖亂於絲一船風雨分襟
處千里煙波迴首時故國田園經戰後窮荒日月逼
秋期鳴蟬似會悠揚意陌上聲聲怨柳衰

春日旅懷呈知己

生涯萬事有蒼蒼應任流萍便越鄉春水獨行人漸
遠故園歸路夜空長一聲隔浦猿啼夜數滴驚心淚
滿裳不爲知音皆鮑叔信憑江上大茫茫

湘漢旅懷翁傑

周賀

一宿空江聽急流仍同賈客坐歸舟遠書來隔巴陵
雨衰鬢去經彭蠡秋不擬爲身謀舊業終期斷穀隱
高丘吾宗尚作無爲者中夜閑吟生旅悲

旅懷

劉威

物態人心漸渺茫十年徒學釣滄浪老將何面還吾

土夢有驚寃在楚鄉自是一身嫌苟合誰憐今日欲
佯狂無名無位却無事醉落烏紗卧夕陽

春山山館旅懷

羅鄴

山館吟餘山月斜東風搖曳拂窗花豈知驅馬無閑
日長在他人後到家孤劍向誰開壯節流年催我自
堪嗟燈前結束又前去曉出石未啼亂鴉

秋夕旅懷

羅鄴

階前月色與蛩聲階上愁人坐復行秦谷入霜空有
夢越山無計可歸耕窮途若遣長堪慟華髮何因肯
晚生不似扁舟釣魚者免將心事算浮榮

長安春夕旅懷

羅鄴

幾年栖旅寄西秦不識花枝醉過春短艇閑思五湖
浪羸啼愁傍九衢塵關河風雨迷歸夢鐘鼓朝昏老
此身忽向太平時節過一竿持去老遺民

冬日旅懷

羅鄴

烏焰纔沉桂冕生霜階擁褐暫吟行閑思江市白醪
滿靜憶僧窻綠綺橫塵土自憐長失計雲帆尤覺有
歸情幾多悵望無窮事空畫爐灰坐到明

旅懷

黃滔

蕭颯聞風葉驚時不自堪宦名中夜切人事長年諳

古畫僧留與新知客遇談鄉心隨去鴈一一到江南

旅懷

黃滔

雪貌潛凋雪髮生故園魂斷弟兼兄十年除夜在孤
館萬里一身求大名空有新詩高華嶽已無丹懇出
秦城侯門莫問曾遊處槐柳影中肝膽傾

旅懷

黃滔

未喫金丹看十洲乃將身世作仇讐羈遊數地值兵
亂宿在孤城聞雨秋東越雲山卻思隱西秦霜霰苦
頻留他人折盡月中桂惆悵當年江上鷗

旅館書懷

劉滄

唐言類苑 卷之三百六
秋看庭樹換風煙兄弟飄零寄海邊客計倦行分陝
路家貧休種汶陽田雲低遠塞鳴寒鴈雨歇空山噪
暮蟬落葉蟲絲滿窻戶秋堂獨坐思悠然

寓題

黃滔

每憶家山卽涕零定須歸老舊雲扃銀河水到人間
濁丹桂枝垂月裏馨霜雪不飛無翠竹鯨鯢猶在有
青萍三千九萬平生事却恨南華說北溟

客舍秋晚夜懷故山

黃滔

寥寥深巷客中居况值窮秋百事疎孤枕憶山千里
外破窻聞雨五更初經年荒草侵幽徑幾樹西風鎖

弊廬長繫寸心歸未得起挑殘燭獨躊躇

出門行二首

孟郊

長河悠悠去無極百齡同此可歎息秋風白露沾人
衣壯心凋落奪顏色少年出門將許誰川無梁兮路
無岐一聞陌上苦寒奏使我佇立驚且悲君今得意
厭梁肉豈復念我貧賤時

海風蕭蕭天雨霜窮愁獨坐夜何長驅車舊憶太行
險始知遊子悲故鄉美人相思隔天闕長望雲端不
可越手持琅玕欲有贈愛而不見心斷絕南山峩峩
白石爛碧海之波浩漫漫參辰出沒不相待我欲橫

唐言類考 卷之三百一十六
天無羽翰

出門

于鄴

東南千里行處處有車聲若使地無利始應人不營
天涯猶馬到石跡尚塵生如此未曾息蜀山終冀生

別家

杜牧

初歲嬌兒未識爺別爺不拜手叱叉拊頭一別三千
里何日迎門却到家

羈遊餞別

王勃

客心縣隴路遊子倦江干槿豐朝砌靜篠密夜窻寒
琴聲銷別恨風景駐離歡寧竟山川遠悠悠旅思難

南游

鄭谷

淒涼懷古意湘浦吊靈均故國經新歲扁舟寄病身
山城多曉瘴澤國少晴春漸遠無相識青梅獨問人

遠遊

孟郊

慈鳥不遠飛孝子念先歸而我獨何事四時心有違
江海戀空積波濤信來稀長爲路傍食堵盡家中衣
別一作烈劍不割物離人難作威遠行少童僕驅使無
是非爲性玩好盡積愁心緒微始知時節駛愛一作夏

日非長輝

遠遊聯句

韓愈

別腸車輪轉一日一萬周郊離思春水泮瀾浸不可

收愈馳光忽以迫飛轡誰能留愈取之詎灼灼此去

信悠悠楚客宿江上夜魂棲浪頭曉日生遠岸水芳

綴孤舟村飲泊好木野蔬拾新柔獨含悽悽別中結

鬱鬱愁人憶舊行樂鳥吟新得儔郊靈瑟時窅窅露

猿夜啾啾憤濤氣尚盛恨竹淚空幽長懷絕無已多

感良自尤即路涉獻歲歸期眇涼秋兩歡日牢落孤

悲坐綢繆愈觀怪忽蕩漾叩竒獨冥搜海鯨吞明月

浪島沒大漚我有一寸鈎欲釣千丈流良知忽然遠

壯志鬱無抽郊魍魅暫出沒蛟螭互蟠蟻昌言拜舜

禹舉颿凌斗牛懷糈餽賢屈乘桴追聖丘飄然天外

步豈肯區中囚愈楚此待誰弔賈辭緘恨投翳明弗

可曉祕魂安所求氣毒放逐域蓼雜芳菲疇當春忽

淒涼不枯亦颼颼貉謠衆猥欵巴語相咿啣默誓去

外俗嘉願還中州江生行既樂躬輦自相勸飲醇趣

明代味腥謝荒陬馳深鼓利楫趨險驚蜚韜繫石沉

斲尚開弓射鴈戛路暗執屏翳波驚戮陽侯廣泛信

縹眇高行恣浮游外患蕭蕭去中悒稍稍瘳振衣造

雲闕跪坐陳清猷德風變讒巧仁氣銷戈矛名聲照

四海淑問無時休歸哉孟夫子歸去無夷猶愈

遠遊

杜甫

江濶浮高棟雲長出斷山塵沙連越嶠風雨暗荆蠻
鴈矯銜蘆內猿啼失木間弊裘蘇季子歷國未知還

遠遊

杜甫

賤子何人記迷方著處家竹風連野色江沫擁春沙
種藥扶衰病吟詩解嘆嗟似聞胡騎走失喜問京華

遠遊

鄭谷

江湖猶足事食宿成輦喧久客秋風起孤舟夜浪翻
鄉音離楚水廟貌入湘源岸潤鳧鷖小林垂橘柚繁
津官來有意漁者笑無言早晚酬僧約中條有藥園

遊子吟

李益

女羞夫婿薄客耻主人賤遭遇同衆流低回媿相見
君非青銅鏡何事空照面莫以衣上塵不謂心如練
人生當榮盛待士勿言倦君看白日馳何異絃上箭

遊子

賈島

遊子喜鄉遠非吾憶歸廬誰知奔他山自欲早旋車
朝賞暮已足圖歸願無餘當期附鵬翼未偶方躊躇

遊子吟

孟郊

慈母手中線遊子身上衣臨行密密縫意恐遲遲歸
難將寸草心報得三春暉

遊子

孟郊

萱草生堂堦遊子行天涯慈親倚堂前不見萱草花

遊子

杜甫

巴蜀愁誰語吳門興杳然九江春草外三峽暮帆前
厭就成都卜休爲吏部眠蓬萊如可到衰白問羣仙

賦得遊人久不歸

賀朝清

鄉關眇天末引領悵懷歸羈旅久滯滯物色屢芳菲
稍覺出意盡行看蓬鬢稀如何千里外佇立霑裳衣

客遊

李賀

悲滿千里心日暖南山石不謁承明廬老作平原客

四時別家廟三年去鄉國旅歌屢彈鋏歸問時裂帛

成都爲客作

田澄

蜀郡將知遠城南萬里橋衣緣鄉淚濕貌以客愁銷
地富魚爲米山芳桂是樵旅遊唯得酒今日過明朝

客行

方干

藕葉綴爲衣東西泣路岐鄉心日落後身計酒醒時
觸目多添感凝情足所思羈愁難盡遣行坐一低眉

客行

馬戴

路岐長不盡客恨杳難通蘆荻晚汀雨柳花南浦風
亂鐘嘶馬急殘日半帆紅却羨漁樵侶閑歌落照中

唐言類考 卷之二十一
客廣陵

王昌齡

樓頭廣陵近九月在南徐秋色明
海縣寒煙生里閭夜帆歸楚客
昨日度江書爲問易名叟垂綸
不見魚路府客亭寄崔鳳童

王昌齡

蕭條郡城閉旅館空寒煙秋月
對愁客山鐘搖暮天新知偶相訪
斗酒情依然一宿阻長會清風徒
滿川

客亭

杜甫

秋窻猶曙色木落更天風日出寒
山外江流宿霧中聖朝無棄物老
病已成翁多少殘生事飄零似轉
蓬

客舊館

杜甫

陳迹隨人事初秋別此亭重來梨
葉赤依舊竹林青風幔何時捲寒
砧昨夜聽無由出江漢秋渚月冥
冥

客中

于鄴

楚人歌竹枝遊子淚沾衣異國又
爲客寒宵方夢歸一封書未返千
樹葉皆飛南過洞庭水更應消息
稀

客中言懷

戴叔倫

白髮照烏紗逢人只自嗟官閑如
致仕客又似無家夜雨孤燈夢春
風幾度花故園歸有日詩酒老生
涯

客中行

李白

蘭陵美酒鬱金香玉椀盛來琥珀
光但使主人能醉

唐詩類苑 卷之二十一
客不知何處是他鄉

客中作

杜儼

書劒催人暫閑洛陽羈旅復秦關容顏歲歲愁邊
改鄉國時時夢裏還

湖南客中春望

顧况

鳴鴈嘹嘹北向頻淶波何處是通津風塵海內憐雙
鬢涕淚天涯慘一身故里音書應望絕異鄉景物又
更新便拋印綬從歸隱吳渚香尊漫吐春

客夜

杜甫

客睡何曾著秋天不肯明入簾殘月影高枕遠江聲

計拙無衣食途窮仗友生老妻書數紙應悉未歸情

歲暮客懷

戎昱

異鄉三十口親老復家貧無事乾坤內虛為翰墨人
歲華南去後愁夢北來頻惆悵江邊柳依依又欲春

客思吟

楊敬之

禾黍正離離南園翦白芝細腰沉趙女高髻唱鸞姬
路醜前岡月梳慚一領絲鄉人不可語獨念畏人知

客思

賈島

促織聲尖尖似針更深刺著旅人心獨言獨語明月
裏驚覺眠童與宿禽

客喜

賈島

客喜非實喜客悲非實悲百迴信到家未當身一歸
未歸長嗟愁嗟愁填中懷開口吐愁聲還却入耳來
常恐滴淚多自損兩目輝鬢邊雖有絲不堪織寒衣

客恨

李昌符

古原南北舊蕭疎高木風多小雪餘半夜病吟人寢
後百年閑事酒醒初頻招兄弟同佳節已有兵戈隔
遠書肥馬王孫定相笑不知岐路厭樵漁

久客臨海有懷

駱賓王

天涯非日觀地圯望星樓練光遙亂馬劒氣上連牛

草濕姑蘇夕葉下洞庭秋欲知淒斷意江上涉安流

久客

杜甫

羈旅知交態淹留見俗情衰顏聊自哂小吏最相輕
去國哀王粲傷時哭賈生狐狸何足道豺虎正縱橫

久客

劉駕

久客心易足主人有餘力如何昨宵夢到曉山家色
南音入誰耳曲盡頭自白

倦客

鄭谷

十年五年岐路中千里萬里西復東匹馬愁衝晚村
雪孤舟悶阻春江風達士猶來知道在昔賢何必哭

唐言類考 卷之三百一十六
途窮閑烹蘆笋炊菰米會向源鄉作醉翁

書事

黃滔

望歲心空切耕夫盡把弓千家數人在一稅十年空
沒陣風沙黑燒城水陸紅飛章奏西蜀明詔與殊功

輦下書事

黃滔

北闕新王業東城入羽書秋風滿林起誰道有鱸魚

壬癸歲書情

黃滔

故園招隱客應便笑無成謁帝逢移國投文值用冰
孤松憐鶴在疎柳惡蟬鳴匹馬迷歸處青雲失曩情
江頭寒夜宿壠上歎年耕冠蓋新人物漁樵舊弟兄

易生唯白髮難立是浮名惆悵灞陵路秋風誰入行

秋暮西歸途中書情

白居易

耿耿旅燈下愁多常少眠思鄉貴早發發在鷄鳴前
九月早木落平蕪連遠山秋陰和曙色萬木蒼蒼然
去秋偶東遊今秋始西旋馬瘦衣裳破別家來二年
憶歸復愁歸歸無一囊錢心雖非蘭膏安得不自然

書事

杜牧

自笑走紅塵流年舊復新東風半夜雨南國萬家春
失計拋漁艇何門化涸鱗是誰添歲月老却暗投人

長安書事

張喬

出送鄉人盡滄洲未得還秋風五陵樹晴日六街山
有景終年住無機是處閑何當向雲外免老別離間
長安書事
黃滔

終不離青山誰道雲無心卻是白雲士有時出中林
昨日擎紫泥明日要黃金炎夏羣木死北海驚波深
伏蒲無一言草疏賀德音
長安書事
黃滔

一年年課數千言口祝心祠挈出門孤進難時誰肯
薦主司通處不須論頻秋入自邊城雪昨日聽來嶺
樹猿若有水田過十畝早應歸去狄江村

北山書事

張喬

黃河一曲水天半鎖重關聖日雄藩靜秋風老將閑
車輿穿谷口市井響雲間大野無飛鳥元戎狡獵還
西遊書懷
溫庭筠

渭川通野戍有路上桑乾獨鳥青天暮驚麕赤燒殘
高秋辭故國昨日夢長安客意自如此非關行路難
黔中書懷
竇羣

萬事非京國千山擁麗譙佩刀看日曬賜馬傍江調
言語多重譯壺觴每獨謠泂流如着翅不敢問歸橈
漢陽卽事
儲光羲

唐詩卷之六
楚國千里遠孰知方寸違春遊歡有客夕寢賦無衣
江水帶水綠桃花隨雨飛九歌有深意捐佩乃言歸
岳陽卽事
張喬

遠色岳陽樓湘帆數片愁竹風山上路沙月水中洲
力學桑田廢思歸鬢髮秋功名如不立豈易狎汀鷗

府中寓止寄趙大諫

鄭谷

老作含香客貧無儻舍錢神州客寄跡大尹是同年
密邇都忘倦垂慵益見憐雪風花月好中夜便招延

洛下寓居

白居易

秋館清涼日書因解悶看夜窻幽獨處琴不爲人彈

遊晏慵多廢趨朝老漸難禪僧教斷酒道士勸休官
渭曲庄猶在錢塘奉尚殘如能便歸去亦不至饑寒

寓居寄友人

劉滄

雨餘虛館竹陰清獨坐書窻軫旅情芳草衡門無馬
跡古槐深巷有蟬聲夕陽雲盡嵩峯出遠岸煙消洛
水平今夜南原賞佳景月高風定苦吟生

西京道德里

羅隱

秦樹團團多結陰此中莊舄動悲吟一枝丹桂未入
手萬里滄波長負心老去漸知時態薄愁來惟願酒
盃深七雄三傑今何在休爲閑人淚滿襟

西京崇德里居

羅隱

進乏梯媒退又難強隨豪貴蹕長安風從昨夜吹銀
漢淚擬何門落玉盤拋擲紅塵應有恨思量仙桂也
無端錦鱗頰尾平生事却被閑人把釣竿

和蜀縣段明府秋城望歸期

錢起

製錦蜀江靜飛鳥漢闕遙一茲風靡草再視露盈條
旅望多愁思秋天更沈寥河陽傳麗藻清韻入歌謠

九江春望

白居易

淼茫積水非吾土飄泊浮萍是我身身外信緣為活

計眼前隨事覓交親鑪煙豈異終南色湓草寧殊渭
北春此地何妨便終老譬如元是九江人

謫江表久未歸

竇參

一自經放逐徘徊無所從便為出山雲不隨飛去龍
名豈不欲保歸豈不欲早苟無三月資難適千里道
離心與羈思終日常草草人生年幾齊憂苦則先老
誰能假羽翼使我暢懷抱

靖安寄居

孟郊

寄靜不寄華愛茲喘嶮居渴飲濁清泉饑食無名蔬
敗菜一作葉不敢火補衣亦寫書古云儉成德今乃寔

起予慙叟慙不足賢人賢有餘役生皆促促心竟誰
舒舒萬馬踏風衢衆塵隨奔車高賓盡不見大道夜
方虛卧有洞庭夢坐無長安儲英髦空駭耳煙火獨
微如厚念恐傷性薄田憶親鋤承一作世不出力冬
行肯抽菹外物莫相誘約心誓從初碧芳既似水日
日詠歸歟

山中

王勃

長江悲已滯萬里念將歸况屬高風晚山山黃葉飛
被使在蜀

張說

卽今三伏盡尚自在臨邛歸途千里外秋月定相逢

他鄉叙興

王勃

綴葉歸煙晚乘花落照春邊城琴酒處俱是越鄉人

天涯

李商隱

春日在天涯天涯日又斜鶯啼如有淚爲濕最高花

郡中

白居易

鄉路音信斷山城日月遲欲知州近遠階前摘荔枝

嘉陵

鄭谷

細雨濕萋萋人稀江日西春愁腸已斷不在子規啼

歸信吟

孟郊

淚墨洒爲書將寄萬里親書去魂亦去兀然空一身

南州有贈二首

賈至

極浦三春草高樓萬里心楚山晴靄碧湘水暮流深
忽與朝中舊同為澤畔吟停盃試北望還欲淚沾襟

二

越井人南去湘川水北流江邊數杯酒海內一孤舟
嶺嶠同仙客京華即舊遊春心將別恨萬里共悠悠

南楚

杜甫

南楚青春異暄寒早早分無名江上草隨意嶺頭雲
正月蜂相見非時鳥共聞杖藜妨躍馬不是故離羣

南中

胡皓

巴東三峽盡曠望九江開楚塞雲中出荆門水上來
魚龍潛嘯雨鳧鴈動成雷南國秋風晚客思幾悠哉

東屯北崦

杜甫

盜賊浮生困誅求異俗貧空村唯見鳥落日未逢人
步壑風吹面看松露滴身遠山回白首戰地有黃塵

去蜀

杜甫

五載容蜀郡一年歸梓州如何關塞阻轉作瀟湘遊
萬事已黃髮殘生隨白鷗安危大臣在何必淚長流

雲山

杜甫

京洛雲山外音書靜不來神交作賦客力盡望鄉臺

衰疾江邊卧親朋日暮迴白鷗元水宿何事有餘哀

松江獨宿

劉長卿

洞庭初下葉孤客不勝愁明月天涯夜青山江上秋
一官成白首萬里寄滄洲又被浮名繫能無愧海鷗

宿孤館

賈島

落日投村戍愁生為客途寒山晴後綠秋水夜來孤
橘樹千株在漁家一半無自知風水靜舟繫岸邊蘆

延興門外作

韋莊

芳草五陵道美人金犢車綠奔寄內水紅落過牆華
馬足倦遊客鳥聲歡酒家玉孫歸去晚官樹欲棲鴉

近無西耗

衛象

遠戎兵壓境遷客淚橫襟烽候驚秦塞囚居困越吟
自憐牛馬走未識犬羊心一月無消息西看日又沉

寄胡皓時在南中

李乂

徭役苦流滯風波限沂泗江流通地骨山道繞天台
有鳥圖南去無人自北來閉門滄海曲雲霧待君開

見敏中初到邠寧秋日登城樓詩詩中頗多

鄉思因以寄和

白居易

想爾到邊頭蕭條正值秋二年貧御史八月古邠州
絲管聞雖樂風沙見亦愁望鄉心若苦不用數登樓

唐言類苑 卷之三百六
別家後次飛狐西卽事

馬戴

遠歸從此別親愛
失天涯去國頻迴首
方秋不在家
鳴蛩聞塞路
冷鴈背龍沙
西次桑乾曲
洲中見荻花

行思

李昌符

千里豈云去
欲歸如路窮
人間無暇日
馬上又秋風
破月銜高岳
流星拂曉空
此時皆在夢
行色獨怱怱

咸陽

鄭谷

咸陽城下宿
往事可悲思
未可謀身計
頻遷反正期
凍河孤棹澀
老樹疊巢危
莫問今行止
漂漂自不知

堠子

羅隱

終日路岐旁
前程亦可量
未能慚面黑
只是恨頭方
雅途千里高
文近兩行君
知不識字第
一莫相形

桂林

李商隱

城窄山將壓
江寬地共浮
東南通絕域
西北有高樓
神護青楓岸
龍移白石湫
殊鄉竟何禱
簫鼓不曾休

卽日

李商隱

桂林聞舊說
曾不異炎方

宋考功有小長安之句也

山響匡牀語

花飄度臘香
幾時逢鴈足
着處斷猿腸
獨撫青青桂
臨城憶雪霜

巴丘春作

張說

唐詩類苑 卷之二十一
日出洞庭水春山掛斷霞江泔相映發卉木共紛華
湘戍南浮澗荆關北望賒湖陰窺魍魎丘勢辨巴蛇
鳥戶巢爲館漁人艇作家自憐心問影三歲客長沙

久滯洛中貽謝南池

孟浩然

陳平無產業尼父倦東西負郭昔云翳問津今亦迷
未能忘魏闕空此滯秦稽西見夏雲起再聞春鳥啼
懷仙梅福市訪舊若耶溪聖主賢爲寶卿何隱遁棲

南極

杜甫

南極青山衆西江白骨分古城疎落木荒戍密寒雲
歲月蛇常見風飈虎忽聞近身皆鳥道殊俗自人羣

睥睨登哀柝蝨弧照夕曛亂離多醉尉愁殺李將軍

於塞北春日思歸

陳子昂

我家吳會青山遠他鄉關塞白雲深爲許羈愁長下
淚那堪春色更傷心驚鳥屢飛恒失侶落花一去不
歸林如何此日嗟遲暮悲來還作白頭吟

一日書

張旭

春草青青萬里餘邊城落日見離居情如海上三年
別不寄雲間一紙書

南中感懷

樊晃

南路蹉跎客未回常嗟物候暗相催四時不變江頭

唐詩類苑 卷之三百六
草十月先開嶺上梅

關中言懷

黃滔

三秦五嶺意不得不依然跡寓枯槐曲業蕪芳草川
花當落第眼雨暗出城天層閣浮雲外何人動管絃

洛陽

溫庭筠

鞏樹先春雪滿枝上陽宮柳轉黃鸝桓譚未便忘西
笑豈爲長安有鳳池

題王紹憲上

無名氏

何人窻下讀書聲南斗闌干北斗橫千里思家歸不
得春風腸斷石頭城

偶見黃州作

杜牧

朔風高緊掠河樓白鼻騮郎白鬪裘有箇當壚明似
月馬鞭斜揖笑回頭

宿泊孟津寄三堂友人

韋莊

解纜西征未有期槐華又逼桂華時鴻臚陌上歸耕
晚金馬門前獻賦遲只恐愁苗生兩鬢不堪離恨入
雙眉分明昨夜南池夢還把漁竿詠楚詞

寫意

李商隱

燕鴈迢迢隔上林高秋望斷正長吟人間路有潼江
險天外山惟玉壘深日向花間留返照雲從城上結

唐詩類苑 卷之二十一
層陰三年已制思鄉淚更入新年恐不禁

游蜀

鄭谷

所向明知是暗投兩行清淚語前流雲橫新塞遮秦
甸花落空山入閩州不分黃鸝驚曉夢唯應杜宇信
春愁梅黃麥綠無歸處可得漂漂愛浪游

新政縣

元稹

新政縣前逢月夜嘉陵江底看星辰已聞城上三更
鼓不見心中一箇人鬚鬢暗添巴路雪衣裳無復帝
鄉塵曾沾幾許名兼利勞動生涯涉苦辛

二月二日

李商隱

二月二日江上行東風日暖聞吹笙花鬚柳眼各無
賴紫蝶黃蜂俱有情萬里憶歸元亮井三年從事亞
夫營新灘莫悟遊人意更作風簷雨夜聲

荆門西下

李商隱

一夕南風一葉危荆雲迴望夏雲時人生豈得輕離
別天意何嘗忌嶮巖骨肉書題安紀復蕙蘭蹊徑失
佳期洞庭湖濶蛟龍惡却羨揚朱泣路岐

長安秋夜

羅隱

遠聞天子似羲皇偶捨漁鄉入帝鄉五等列侯無故
舊一枝仙桂有風霜燈歆短焰燒離鬢漏轉寒更滴

唐詩類苑 卷之二百六
旅腸歸計未知身已老九衢雙闕夜蒼蒼

秋辭江南

黃滔

灞陵橋上路難負一年期積雨鴻來夜重江南去時
勞生多故疾漸老少新知惆悵都堂內無門雪滯遺

漂泊

鄭谷

槿墜蓮疎池館清日光風緒澹無情鱸魚斫鱠輸張
翰橘樹呼奴羨李衡十口漂零猶寄食兩川消息未
休兵黃花催促重陽酒何處登高望二京

唐詩類苑卷第一百十六終

唐詩類苑卷之一百十七

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

移家

移居

白居易

移家入新宅罷郡有餘資既可避燥濕復免憂寒饑
疾平未還假官閑得分司幸有任俸在而無職役羈

清旦盥漱畢開軒捲簾幃家人及鷄犬隨我亦熙熙
取興或寄酒放情不過詩何必苦修道此卽是無爲
外累信已遣中懷時有思有思亦何遠默坐低雙眉
十載囚竄客萬里征戍兒春朝鎖籠鳥冬夜支藏龜
驛馬走四蹄痛酸無歇期磴牛封兩目閤閉何人知
誰能放脫去四散任所之各得適其性如吾今日時

移居洞庭

麴信陵

重林將疊嶂此處可逃秦水隔人間世花開洞裏春
荷鋤分地利縱酒樂天真萬事更何有吾今已外身
太鹵平後移家到永樂縣居書懷十韻寄劉

韋二前輩二公嘗於此縣寄居

李商隱

驅馬遶河干家山照露寒依然五柳在况值百花殘
昔去今投筆今來分挂冠不憂懸罄乏乍喜覆盂安
甌破寧迴顧舟沉豈暇看脫身離虎目移疾就猪肝
鬢入新年白顏無舊日丹自愁秋穫少誰懼夏畦難
逸志忘鴻鵠清香披蕙蘭還持一盃酒坐想二公歡

移家別湖上亭

戎昱

好是春風湖上亭柳條藤蔓繫離情黃鶯久住渾相
識欲別頻啼四五聲

唐言類考 卷之三百七
移居深山謝別親故

劉商

不食黃精不採薇
葛苗爲帶草爲衣
孤雲更入深山去
人絕音書鴈自飛

移居靜安坊答元八郎中 張籍

長安寺裡多時住
雖守卑宮不若貧
作活每常嫌費力
移居祇是貴容身
初開井淺偏宜樹
漸覺街閑省踏塵
更喜往還相去近
門前減却送書人

八月十二日得替後移居雪溪館因題長句

四韻

杜牧

萬家相慶喜秋成
處處樓臺歌板聲
千歲鶴歸猶有

恨一年人住豈無情
夜涼溪館留僧話
風定蘇潭看月生
景物登臨閑始見
願爲閑客此閑行

遷居清溪和劉書記見示 李昌符

擔錫歸來竹繞谿
過津曾笑魯儒迷
端居味道塵勞息
扣寂眠雲心
齊還似村家無寵祿
時將隣叟話幽棲
山衣毳爛唯添野
石井原清不貯泥
祖意豈從年臘得
松枝肯爲雪霜低
晚天吟望秋光重
雨陳橫空蔽斷蛻

李秀才近自塗口遷居新安適枉緘書見寬

悲戚因以此答

許渾

唐言類考 卷之二十七
遠書開罷更依依晨坐高臺竟落暉顏巷雪深人已
去庾樓花盛客初歸東堂望絕遷鶯起南國哀餘候
鴈飛今日勞君猶問訊一官唯長故山薇

送于丹移家洛州

王建

憶昔門館前君當童子年今來見成長俱過遠所傳
詩禮不外學兄弟相攻研如彼販海翁豈種溪中田
四方尚爾文獨我敬爾賢但愛金玉聲不貴金玉堅
孤遺一空中寢食不相損飽如腸胃同疾若膚體連
耕一作居者求沃土漚者求深源彼邦君子居一作意
口可徂遷念此居處近各爲衣食牽從今不見面猶

勝異山川旣乘歡會期鬱鬱兩難宣素琴苦無徽安
得宮商全他皆緩別日我願促行軒送人莫長歌長
歌離恨延羸馬不知去過門常盤旋會當爲爾隣有
地容一泉

送李二十四移家之江州 劉長卿

煙塵猶一作遙滿目岐路易一作亦沾衣逋一作遷客多南

渡征一作春鴻自北飛九江春草綠一作東林古寺靜千里暮

潮歸別後難一作誰相訪全家隱釣磯一作美爾全家隱爐峯對掩扉

送謝孝廉移家越州 權德輿

家承晉太傅身慕魯諸生又見一帆去共愁千里程

沙平煙樹迥潮滿晚江晴從此幽深去無妨隱姓名
渭上送李藏器移家東郡 耿 漳

求名雖有據學稼又無田故國三千里新春五十年
移家還作客避地莫知賢洛浦今何處風帆去渺然

奉和杜相公移長興宅奉呈元相公

錢 起

守貴常思儉平津此意深能卑丞相宅何謝故人心
種蕙初抽帶移篁不改陰院梅朝助鼎池鳳夕歸林
覺路經中得滄洲夢裏尋道高仍濟代恩重豈投簪
報國誰知己推賢共作霖興來文雅振清韻擲雙金

奉和杜相公新移長興宅呈元相公

劉長卿

間世生賢宰同心奉至尊功高開北第機靜灌中園
入竝蟬冠影歸分騎士喧窻聞漢宮漏家識杜陵源
獻替常焚檟優閑獨對萱花香逐荀令草色對王孫
有地先開閣何人不掃門江湖難自退明主託元元
奉和杜相公移入長興宅呈諸宰執

權德輿

欲向幽偏適還從絕地移秦官鼎食貴堯世土階卑
戟戶槐陰滿堂窻竹葉垂裁分五夜漏遙隔萬年枝

唐詩類考 卷之三十一
北闕深恩在東林遠夢知日斜門掩映山遠樹參差
論道齊鴛翼題詩憶鳳池從公亦何幸長與佩聲隨
將移耶溪舊居留贈嚴維秘書

秦系

鷄犬漁舟裏長謠任興行那邀落日醉已被遠山迎
書履將非重荷衣著甚輕謝生無箇事忽起爲蒼生

洛中張籍新居

王建

最是城中閑靜處更迴門向寺前開雲山且喜重重
見親故應須得得來借倩學生排藥合留連處士乞
松栽自君移到無多日牆上人名滿綠苔

南陽廣文欲于荆襄卜居因而有贈

皮日休

地肺從來是福鄉廣文高致更無雙青精飯熟雲侵
灶白袂裘成雪濺窻度日竹書千萬字經冬木煎兩
三缸鱸魚自是君家味莫背松江憶漢江

代廣文先生訓荆襄卜居次韻

陸龜蒙

不知天隱在何鄉且欲煙霞跡暫雙鶴廟未能齊月
馭鹿門聊擬竝雲窻薛銜荒磴移桑屐花浸春醪挹
石缸莫惜槎頭容釣伴也應東印有餘江

寄王奉御

張籍

愛君紫閣峯前好心作書堂藥竈成見欲移居相近
住有田多與種黃精

早秋京口旅泊章侍御寄書相問因以贈之

李嘉祐

移家避寇逐行舟厭見南徐江水流吳越征徭非舊
日秣陵凋弊不宜秋千家閉戶無砧杵七夕何人望
斗牛祗有同時驄馬在偏題尺牘問窮愁

避地

庚子歲避地至玉山訓韓司馬所贈

獨孤及

滄海疾風起洪波駭恬鱗已無濟川分甘作乘桴人
揮手謝秣陵舉帆指甌閩安知風塵表偶與瓊瑤親
共悲行路難况逢江南春故園如夢返復知何辰
曠野豺虎滿深山蘭蕙新枉君灞陵什迴首徒酸辛

避地越中作

韋莊

避世移家遠天涯歲已周豈知今夜月還是去年愁
露果珠沈水風螢燭上樓傷心潘騎省華髮不禁秋
避地冬夜與二三禪侶吟集茅齋

李洞

四海通禪客搜吟會草亭燃髭孤燭白閉日衆山青
松挂敲烟杖爐温注月瓶獨愁

舊旆笏冷立殘星

送時遲避難適荆南

錢起

三嘆把離袂七哀深我情雲天愁遠別豺虎擁前程
駐馬戀攜手隔河聞哭聲相思昏若夢淚眼幾時明
避地江東留別淮南使院諸公

劉長卿

長安路絕鳥飛通萬里孤雲西復東舊業已應成茂
草餘生只是任飄蓬何辭向物開秦鏡却使他人得
楚弓此去行持一竿竹等閑將押釣漁翁

和陸諫議避地寄東陽進退未決見寄

韋莊

未歸天路紫雲深暫駐東陽歲月侵入洛聲華當世
重閑周章句滿朝吟開爐夜看黃芽鼎卧龕閑歌白
玉簪讀易草玄人不會憂君心是致君心

歸國

送晁補闕歸日本國

趙驊

西掖承休澣東隅返故林來稱剡子學歸是越人吟
馬上秋郊遠舟中曙海陰知君懷魏闕萬里獨搖心
詔放雲南子弟還國

鄭洪業

唐詩類苑 卷之三百七
德被陪臣子仁垂聖主恩雕題辭鳳闕丹服出金門
有澤沾殊俗無征及獷獠銅梁分漢土玉壘駕鸞軒
瘴嶺蠶叢盛巴江越雋垠萬方同感化豈獨日南蕃

送禪師歸新羅

僧法照

萬里歸鄉路隨緣不筭程登山百衲敝過海一盃輕
夜宿依雲色晨齋就水聲何年持貝葉却到漢家城

送婆羅門歸本國

劉言史

刹利王孫字迦攝竹錐橫寫吒蘿遙知漢地未有
經手牽白馬遶天行龜茲磧西胡雪黑大師凍死來
不得地盡年深始到船海裏行三十國行多耳斷

金環落冉冉悠悠不停脚馬死經留却去時往來應
盡一生期出漢獨行人絕處磧西天漏雨絲絲

銜命使本國

胡衡

銜命將辭國非才忝侍臣天中戀明主海外憶慈親
伏奏違金闕駢驂去玉津蓬萊鄉路遠若水故園隣
西望懷恩日東歸感義辰平生一寶劔留贈結交人

送圓載上人歸日本國

皮日休

講殿談餘著賜衣柳帆却返舊禪扉貝多紙上經文
動如意餅中佛爪飛颺母影邊持戒宿波神宮裏受
齋歸家山到日將何入白象新秋十二圍

唐詩卷之二十七
重送圓載上人歸日本國 皮日休

雲濤萬里最東頭射馬臺身玉署秋無限屬城爲騾
國幾多分界是直州取經海底開龍藏誦呪空中散
蜃樓不柰此時貧且病乘桴直欲伴師遊

奉和圓載上人歸日本國 陸龜蒙

老思東極舊巖扉却待秋風泛舶歸曉梵陽烏當石
磬夜禪陰火照田衣見翻經綸多盈篋親植杉松大
幾園遙想到時思魏闕祗應遙拜望斜暉

還鄉

冬日宴于庶子宅各賦一字得歸

許敬宗

倦遊嗟落拓短翮慕追飛周醪忽同醉牙絃乃共揮
油雲澹寒色落景靄霜飛累日方投分茲夕諒無歸

歸汶上

盧象

象自江東止田園移庄慶會未幾歸汶上小弟幼
妹尤嗟其別

謝病始告歸依然入桑梓家人皆佇立相候衡門裏
疇類皆長年成人舊童子上堂家慶畢願與親姻邇
論舊或餘悲思存且相喜田園轉蕪沒但有寒泉水
衰柳日蕭條秋光清邑里入門乍如客休騎非便止

中飲顧王程離憂從此始兩妹日長成雙鬟將及人
已能持寶瑟自解掩羅巾念昔別時小未知踈與親
今來識離恨掩淚方殷勤小弟更孩幼歸來不相識
同居雖漸慣見人猶默默宛作越人言殊鄉甘水食
別此最爲難淚盡有餘憶

晚歸澧川

韋應物

凌霧朝闈闔落日返清川簪組方暫解臨水一翛然
昆弟忻來集童稚滿眼前適意在無事攜手望秋田
南嶺橫爽氣高林繞遙阡野廬不鋤理翳翳起荒煙
名秩斯逾分廉退媿不全已想平門路晨騎復言旋

春歸昌谷

李賀

束髮方讀書謀身苦不蚤終軍未乘傳顏子鬢先老
天網信崇大矯士常慙慙逸目駢甘華羈心如荼蓼
早雲二三月岑岫相顛倒誰揭頰玉盤東方發紅照
春熱張鶴蓋兔目官槐小思焦面如病嘗膽腸似絞
京國心爛熳夜夢歸家少發軔東門外天地皆浩浩
青樹驪山頭花風滿秦道宮臺光錯落裝盡徧峰嶠
細綠及團紅當路雜啼笑香氣下高廣鞍馬正華耀
獨乘鷄樓車自覺少風調心曲語形影祗身焉足樂
豈能脫負擔刻鶴曾無兆幽幽太華側老柏如建纛

唐詩類苑 卷之二十一
龍皮相排戛翠羽更蕩掉驅趨委憔悴眺覽強笑貌
花蔓閔行輒穀煙暝深微少健無所就入門媿家老
聽講依大樹觀書臨曲沼知非出柙虎甘作藏霧豹
韓鳥處繒繳湘儵在籠罩狹行無廓落壯士徒輕躁
出還 韋應物

昔出喜還家今還獨傷意入室掩無光銜哀寫虛位
悽悽動幽幔寂寂驚寒吹幼女復何知時來庭下戲
咨嗟日復老錯寞身如寄家人勸我餐對案空垂淚

歸四明

海色連四明仙舟去容易天籍豈輒問不見卑朝士

歸家

杜牧

穉子牽衣問歸來何太遲共誰爭歲月贏得鬢邊絲
歸至郢中 孟浩然

遠遊經海嶠反棹歸山阿日夕見喬木鄉村在我柯
愁隨江路盡喜入郢門多左右看桑土依然卽匪他
歸來 杜甫

客裏有所過歸來知路難門開野鼠走散帙壁魚乾
洗杓開新醞低頭拭小盤憑誰給麴蘖細酌老江干
正月三日歸溪上有作簡院內諸公

杜甫

野外堂依竹籬邊水向城蟻浮仍蠟味鷗泛已春聲
藥許鄰人斲書從稚子擎白頭趨幕府深覺負平生

遠征歸

王建

萬里發遼陽處處問家鄉迴車不淹轍雨雪滿衣裳
行見日月疾坐思道路長但令不征戍暗鏡生重光

歸墅

李商隱

行李踰南極旬時到舊鄉楚芝應徧紫鄧橘未全黃
渠濁村春急旗高社酒香故山歸夢喜先入讀書堂

歸家山行

項斯

獻賦才何拙經時不耻歸能知此意是甘取衆人非

遍隴耕無圃緣溪釣有磯此懷難自遣期在振儒衣

歲暮還家

于鵠

東西流不駐白日與車輪殘雪半成冰微風應欲春
幾經他國歲已減故鄉人回首長安道十年長苦辛

歸來二周歲

白居易

歸來二周歲二歲似須臾池藕重生葉林鷗再引雛
時豐實倉廩春暖葺庖厨更作三年計三年身健無

歸來

李商隱

舊隱無何別歸來始更悲難尋白道士不見惠禪師
草逕蟲鳴急沙渠水下遲却將波浪眼清曉對紅梨

唐詩類苑 卷之二十七
春歸

杜甫

苔徑臨江竹茅簷覆地花別來頻甲子歸到忽春華
倚杖看孤石傾壺就淺沙遠鷗浮水靜輕燕受風斜
世路雖多梗吾生亦有涯此身醒復醉乘興即歸家

歸河上舊見寄

盧綸

三旬一休沐清景滿林廬南郭羣儒從東牀兩客居
燒煙浮雪野麥瓏潤水渠斑白皆持酒蓬茅盡有書
終期買寒渚同此利蒲魚

罷郡歸洛陽寄友人

劉禹錫

遠謫年猶少初歸鬢已衰門閑故吏去室靜老僧期

不見蜘蛛集頻爲僂句欺貧微囊易出寒甚谷難吹
濩落唯心在平生有已知商歌夜深後聽者竟爲誰
代員將軍罷戰後歸舊里贈翔北故人

盧綸

結髮事疆場全生俱到鄉連雲防鐵嶺同日破漁陽
牧馬胡天晚移車磧路長枕戈眠古戍吹角立繁霜
歸老勲仍在酬恩虜未忘獨行過邑里多病對農桑
雄劔依塵橐陰符寄藥囊空餘麾下將猶逐羽林郎
初歸鏡中寄陳端公

方干

去歲離家今歲歸孤帆夢向鳥前飛必知蘆筍侵沙

并兼被藤花占石磯雲島採茶常失路雪龕中酒不
關非故交莫問逍遙事玄幌何曾勝葦衣

初歸故里獻侯郎中

方干

常思舊里欲歸難已得歸心即自寬此日早知無爵
位當時便合把漁竿朝昏入閨春將逼城邑多山夏
却寒不是幽懸望榮忝君侯異禮亦何安

歸睦州中途寄侯郎中

方干

顏巷蕭條知命後膺門感激受恩初却容鶴髮還蝸
舍猶夢漁竿從隼旟新定暮雲吞故國會稽春草入
貧居鄉中自古爲儒者誰得公侯降尺書

東遊遠歸

韋莊

扣角干名計已疎劒歌休恨食無魚辭家柳絮三春
半臨路槐華七月初江上欲尋漁父醉日邊時得故
人書青雲不識楊生面天子何由問子虛

歸故園

朱慶餘

桑柘駢闐數畝間門前五柳正堪攀樽中美酒長須
滿身外浮名總是閑竹逕有時風爲掃柴門無事日
常關于焉已是忘機地何用將金別買山

將歸

白居易

欲去公門返野扉預思泉竹已依依更憐家醞迎春

唐詩類考 卷之三百七
熟一瓮醍醐待我歸

還東山洛上作

岑參

春流急不淺歸棧去何遲
愁客葉舟裏夕陽花水時
雲晴開蟠螭棹發起鷓鴣
莫道東山遠衡門在夢思
將發還鄉示諸弟
張九齡
歲陽亦頽止林意日蕭
撼云胡當此時緬邁復爲客
至愛孰能捨名義來相迫
負德良不貲輸誠靡所惜
一木逢厦構纖塵願山益
無力主君恩寧利客鄉壁
去去榮歸養憮然嘆行役

送率府程錄事還鄉

杜甫

鄙夫行衰謝抱病昏妄集
常時往還人記一不識
十程侯晚相遇與語才傑
立薰然耳目開頗覺聰明
入千載得鮑叔末契有所
及意鍾老柏青義動修蛇
螫若人可數見慰我垂白
泣生別無淹晷百憂復相
襲內愧突不黔庶羞以賙
給素絲絜長魚碧酒隨玉
粒途窮見交態世梗悲路
澀東風吹春水決滌后土
濕念君惜羽翮旣飽更思
戢莫作翻雲鶻聞呼向禽
急奉和魏僕射秋月還鄉
有懷

張說

富貴還鄉國光輝滿舊林
秋風樹不靜君子嘆何深

唐詩類考 卷之三百七
故老空懸劔隣交自散金衆芳搖落盡獨有歲寒心
奉和魏僕射秋日還鄉有懷

蘇頌

南宮夙拜罷東道正遊初飲餞傾冠蓋傳呼問里閭
樹悲縣劔所溪想釣魚途清發輝光至增榮四馬車
回鄉偶書二首

賀知章

少小離鄉老大回鄉音無改鬢毛衰兒童相見不相
識笑問客從何處來
離別家鄉歲月多近來人事半消磨唯有門前鏡湖
水春風不改舊時波

送從弟還鄉

孟浩然

兄弟遊吳國庭闈戀楚關已多新歲感更餞白眉還
歸泛西江水離筵北固山鄉園欲有贈梅柳看先攀
征人歸鄉

戎昱

三月江城柳絮飛五年遊客送人歸故將別淚和鄉
淚今日闌干濕汝衣

送常十九歸嵩少故林

劉長卿

迢迢此恨杳無涯楚澤嵩丘千里賒岐路別時驚一
葉雲林歸處憶三花秋天蒼翠寒飛鴈古堞蕭條晚
噪鷓他日山中逢勝事桃源洞裏幾人家

唐詩卷之二十七
送前東陽于明府由鄂渚歸故林

許渾

結束征車換黑貂
灞西風雨正瀟瀟
茂陵久病書千卷
彭澤初歸酒一瓢
帆背夕陽溢水濶
棹經滄海甌山遙
殷勤爲謝南溪客
白首螢窗未見招

廬山書堂送祝秀才還鄉 伍喬

束書辭我下重巔
相送同臨楚岸邊
歸思幾隨千里水
離情空寄一枝蟬
園林到日酒初熟
庭戶開時月正圓
莫使蹉跎戀疎野
男兒酬志在當年

鄭典設自施州歸 杜甫

吾憐滎陽秀
冒暑初有適
名賢慎出處
不肯妄行役
旅茲殊俗遠
竟以屢空迫
南謁裴施州
氣合無險僻
攀援懸根木
登頓入矢石
青山自一川
城郭洗憂感
聽子話此邦
令我心悅懌
其俗則純朴
不知有主客
溫溫諸侯門
禮亦如古昔
勅厨倍常羞
盃盤頗狼籍
時雖屬喪亂
事貴賞匹敵
中宵愜良會
裴鄭非遠戚
羣書一萬卷
博涉供務隙
他日辱銀鈎
森疎見矛戟
倒屣喜旋歸
畫地求所歷
乃聞風土資
又重田疇闢
刺史似寇恂
列郡宜競惜
北風吹瘴癘
羸老思散策
渚拂蒹葭寒
嶠穿鳶蘿幕
此身仗兒僕
高興潛有激

唐詩卷之二十七
孟冬方首路強飯取崖壁歎爾疲駑駘汗溝血不赤
終然備外飾駕馭何所益我有平肩輿前途猶準的
翩翩入鳥道庶脫蹉跌厄

聞故人自征戍回

王建

昔聞着征戍三年一還鄉今來不換兵須死在戰場
念子無氣力徒學事戎行少年得生隨有同墮穹蒼
自去報爾家再行上高堂爾弟降廢櫪爾母縫新裳
恍恍恐不真猶未苦承望每日空出城畏渴攜壺漿
安得縮地經忽使在我傍亦知遠行勞人悴馬玄黃
慎莫多停留苦我居者腸

奉和顏使君真卿二十八郎隔絕自河北遠

歸

僧法照

相一作自失值氛煙纔應掌上年久離驚貌長多難喜
身全此信尚書重加威太守憐滿庭看玉樹更有一
枝連

奉和二兄罷使遣馬歸延州

李賀

空留三尺劍不用一丸泥馬向沙場去人歸故國來
笛愁翻隴水酒喜瀝春灰錦帶休驚鴈羅衣尚鬪鷄
還吳已渺渺入郢莫淒淒自是桃李樹何畏不成蹊

家叔南游却歸因獻賀

韋莊

繚繞江南一歲歸歸來行色滿戎衣長聞鳳詔徵兵
急何事龍韜獻捷稀旅夢遠依湘水濶離魂空伴越
禽飛遙知倚棹思家處澤國煙深暮雨微

送六舅歸陸渾

王維

伯舅吏淮泗卓魯方喟然悠哉自不競退耕東臯田
條桑臘月下種杏春風前酌醴賦歸去共知陶令賢

送楊燕之東魯

李白

關西楊伯起漢日舊稱賢四代五公族清風播人天
夫子華陰居開門對玉蓮何事歷衡霍雲帆今始還

君坐稍解顏爲我歌此篇我固侯門士謬登聖主筵
一辭金華殿蹭蹬長江邊二子魯門東別來已經年
因君此中去不覺淚如泉

魯城北郭曲腰桑下送張子還嵩陽

李白

送別枯桑下凋葉落半空我行憊道遠爾獨知天風
誰念張仲蔚還依蒿與蓬何時一盃酒更與李膺同
同王昌齡送族弟襄歸桂陽

李白

秦地見碧草楚謠對清樽把酒爾何思鷓鴣啼南園

余欲羅浮隱猶懷明主恩躊躇紫宮戀孤貧滄洲言
終然無心雲海上同飛翻相期乃不淺幽桂有芳根

送族弟襄歸桂陽

李白

爾家何在瀟湘川青莎白石長江邊昨夢江花照江
月幾枝正發東窻前覺來欲往心悠然魂隨越鳥飛
南天秦雲連山海相接桂水橫煙不可涉送君此去
令人愁風帆茫茫隔河洲春潭瓊草綠可折西寄長
安明月樓

甘林

杜甫

捨舟越西岡入林解我衣青芻適馬性好鳥知人歸

晨光映遠岫夕露見日晞遲暮少寢食清曠喜荆扉
經過倦態俗在野無所違試問甘藜藿未肯美輕肥
喧靜不同科出處各天機勿矜朱門是陋此白屋非
明朝步隣里長老可以依時危賦歛數脫粟爲爾揮
相攜行豆田秋花藹菲菲子實不得喫貨市送王畿
盡添軍旅用迫此公家威主人長跪辭戎馬何時稀
我衰易悲傷屈指數賊圍勸其死王命慎莫遠奮飛

送劉主簿歸金壇

李頎

與子十年舊其如離別何宦遊鄰故國歸夢是滄波
京口青山遠金陵芳草多雲帆曉容裔江日晝清和

縣郭舟人飲津亭漁者歌茅山有仙洞羨爾再經過
送南少府歸壽春 韓翃

人言壽春遠此去先秋到孤客小翼舟諸生高翅帽
淮風生竹簟楚雨移茶竈若上八公山題詩一相報

送裴陟歸常州

皇甫冉

夜雨須停棹秋風暗入衣見君常北望何事却南歸

送人歸沔南

李頎

梅花今正發失路復何如舊國雲山在新年風景餘
春饒漢陽夢日寄武陵書可即明時老臨川莫羨魚

送梁四歸東平

李白

玉壺挈美酒送別強爲歡大火南星月長郊北路難
殷王期負鼎汶水起垂竿莫學東山卧參差老謝安

送錢少府還藍田

王維

草色日向好桃源人去稀手持平子賦目送老萊衣
每候山櫻發時同海燕歸今來寒食酒應得返柴扉

送鄭堪歸東京汜水別業

岑參

客舍見春草忽聞思舊山看君灞陵去匹馬成臯還
對酒風與雪向家河復關因悲宦遊子終歲無時閑

送奚三還揚州

孟浩然

水國無邊際舟行興使風羨君從此去朝夕見鄉中

予亦離家者南歸恨不同音書若有問江上會相逢
送關小師還金陵 僧皎然

如何有歸思愛別欲忘難白鷺沙洲晚青龍水寺寒
蕉花鋪淨地桂子落空壇持心爲心境應堪月夜看
送辛大 孟浩然

南國辛居士言歸舊竹林未逢調鼎用徒有濟川心
予亦忘機者田園在漢陰因君故鄉去還寄式微吟
送裴侍御歸上都 張謂

楚地勞行役秦城罷鼓鼙舟移洞庭岸路入武陵溪
江月隨人影山花趁馬蹄離魂將別夢先入到關西

送陳七還廣陵

萬齊融

風流誰氏子雖有舊無雙歡酒言相入愁弦意不降
落花馥河道垂楊拂水窻海潮與春夢朝夕廣陵江
送韋郎司直歸成都 杜甫

竄身來蜀道同病得韋郎天下兵戈滿江邊歲月長
別筵花欲暮春日鬢俱蒼爲問南溪竹抽梢合過墻
送薛仲方歸揚州 崔峒

佳句應無敵貞心不有猜一作暫回慙爲丈人行怯見後
生才泛舸貪斜月浮橈值早梅綠楊新過雨芳草待
君來

送康紹歸建鄴

周賀

南朝秋色滿君去意如何帝業空城在民田壞塚多
月圓臺獨上栗綻寺頻過籬下西江水相思見白波

送祝秀才歸衢州

朱慶餘

舊隱穀溪上憶歸年已深學徒花下別鄉路雪邊尋
騎吏陪春賞江僧伴晚吟高科如在意當自惜光陰

送劉耕歸舒州

姚鵠

四座莫紛紛須臾岐路分自從同得意誰不惜離羣
舊國連青海歸程在白雲棄繻當日路應競看終軍

送石貫歸湖州

姚鵠

同志幸同年高堂君獨還齊榮恩未報共隱事應閑
訪寺臨湖岸開樓見海山洛中推二陸莫又戀鄉關

送孫舍人歸相州

梁陟

盛才傾世重清論滿朝歸一作隼他年計一作繫為鴛此
日飛比肩移一作趨日近抗首出郊畿為報清漳水分

明照錦衣

送客歸吳興

許渾

綠水棹雲月洞庭歸路長春橋懸酒幔一作旆夜柵集
茶檣箬葉沉谿暖蘋花遶郭香應逢柳太守為說過

瀟湘

送袁肇歸山陰

鄭巢

論文意有違寒雨灑行衣南渡久誰語後岑今獨歸
河帆因樹落沙鳥背潮飛若值雲門侶多應宿翠微

送郭補闕歸江陽

一作

李端

東門春尚淺楊柳未成陰馬影愁斜日鶯聲怨故林
隋宮江上遠梁苑雪中深獨有懷歸客難為欲別心

送耿山人歸湖南

周賀

南行隨越僧別業幾池菱兩鬢已垂白五湖歸挂罾
夜濤鳴柵鎖寒葦露船燈此去已無事却來知不能

送楊岳歸巴陵

周賀

何處得鄉信告行當雨天人離京口日潮送岳陽船
孤鳥背林色遠帆開浦煙悲君唯此別不肯話迴年

送衡陽歸客

錢起

歸客愛鳴榔南征憶舊鄉江山追宋玉雲雨憶荆王
醉裏宜城近歌中郢路長憐君從此去日夕望三湘

送友人歸武陵

張蠡

聞近桃源住無村不是花戍旗招海客廟鼓集江鴉
別島垂橙實閑田長荻芽遊秦未得意看即更離家

送道士姪歸池陽

韓翃

銀角桃枝杖東門贈別初幽州尋馬客灞岸送驢車

野飯秋山靜行衣落照餘燕南羣從少此去意何如

送蘇紹之歸嶺南

張祐

孤舟越客吟萬里曠離襟夜月江流濶春雲嶺路深
珠繁楊氏果翠耀孔家禽無復天南夢相思空樹林

九江送方干歸鏡湖

曹松

一檣懸五兩此日動歸風客路拋湓口家林入鏡中
譚餘雲出嶠詠苦月欹空更若看鳩鵲何人夜坐同

送客歸峽中

許渾

津亭多別離楊柳半無一作枯枝住接猿啼處行逢鴈
過時江風颺帆急山月下樓遲還就西齋宿煙波勞

夢一作聽思

送處士歸州因寄林山人 劉長卿

陵陽不可見獨往復如何舊邑雲山裏扁舟來去過
鳥聲春谷靜草色太湖多倘宿荆溪夜相思漁者歌

送段覺歸東陽兼寄竇使君

許渾

山水引歸路陸郎從此諳秋茶垂露細寒菊帶霜甘
臺倚烏龍嶺樓侵白鴈潭沈公如借問心在淞河南

烏龍嶺白鴈潭在嚴州沈約曾守婺以此竇君

送黃知新歸安南

賈島

池亭沉飲徧非獨曲江花地遠路穿海春歸冬到家
火山難下雪瘴土不生茶知決移來計相逢期尚賒

送客歸蘭溪

許渾

花下送歸客路長應過秋暮隨江鳥宿寒共嶺猿愁
衆水喧巖瀨羣峯抱沈樓因君幾南望曾向此中遊

送客歸廣平

韓翃

家在趙邯鄲歸心輒自歡晚杯狐腋暖春雪馬毛寒
孟月途中破輕冰水上殘到時楊柳色柰向故園看

送元倉曹歸故陵

韋應物

官閑得去住告別戀音微一作暉舊國應無業他鄉到

是歸楚山明月滿淮甸夜鐘微何處孤舟泊遙遙心

曲遠

送錢拾遺歸兼寄劉校書郎士元

墟落歲陰暮桑榆煙景昏蟬聽靜空館雨色隔秋原
歸客不可望悠然林外村終當報芸閣攜手醉柴門

送裴五歸京口

李嘉祐

君罷江西日家貧爲一官還歸五陵去只向遠峯看
暮色催人別秋風待雨寒遙知到三徑惟有菊花殘

送故人歸魯

韓翃

魯客多歸興居人悵別情雨餘衫袖冷風急馬蹄輕

秋草靈光殿寒雲曲阜城知君親覲後少婦下機迎

送姚孫還河中

孫一作系

韋應物

上國旅遊罷故園生事微風塵滿路起行人何處歸
畱思芳樹飲惜別暮春暉幾日投關郡河山對掩扉

送費子歸武昌

岑參

漢陽歸客悲秋草旅舍葉飛愁不掃秋來倍憶武昌
魚夢着只在巴陵道曾隨上將過祈連離家十年恒
在邊劔鋒可惜虛用盡馬蹄無事今已穿知君開館
常愛客樗蒲百金每一擲平生有錢將與人江上故
園空四壁吾觀費子毛骨竒廣眉大口仍赤髭看君

失路尚如此人生貴賤那得知高秋八月歸南楚東
門一壺聊出祖路指鳳凰山北雲衣沾鸚鵡洲邊雨
勿嘆蹉跎白髮新應須守道勿羞貧男兒何必戀妻
子莫向江村老却人

送李九歸河北

錢起

文武資人望謀猷簡聖情南州初卧鼓東土復維城
寄重分符去威仍出闔行斗牛移八座日月送雙旌
別戀瞻天起仁風應物生佇聞收組練鏘玉會承明

幽州送申稷評事歸平盧 王建

行子繞天北山高塞復深升堂展客禮臨水濯纓襟

驅馳戎地馬聚散林間禽一杯瀉東流各願無異心
薊亭雖苦寒春夕勿重衾從軍任白頭莫賣故山岑

送段秀才歸澧州

呂溫

湘南孤白芷幽託在清潯豈在馨香發空勞知處深
推賢路已隔賑乏力不任慙我一言分貞君千里心
寸義薄聯組片誠敵黃金方期踐冰雪無使弱思侵

時平後送范倫歸安州

劉長卿

昨聞戰罷圖麟閣破虜收兵卷戎幕滄海初看漢月
明紫微已見胡星落憶昔扁舟此南渡荆棘煙塵滿
歸路與君攜手姑蘇臺望鄉一日登幾迴白雲飛鳥

去寂寞吳山楚岫空崔嵬事往時平還舊丘青青春
草近家愁洛陽舉目今誰在潁水無情應自流吳苑
西人去欲稀畱連一日空知非江潭歲盡愁不盡鴻
鴈春歸身未歸萬里遙懸帝鄉憶五年空帶風塵色
却到長安逢故人不道姓名應不識

送張少府歸秦

孟浩然

試登秦嶺望秦川遙憶青門春可憐仲春送君從此
去他時須及邵平田

送人歸江夏

王昌齡

寒江綠水楚雲深莫道離憂遷遠心曉夕雙帆歸鄂

渚愁將孤月夢中尋

別陶副使歸南海

王昌齡

南越歸人夢海樓廣陵新月海亭秋寶刀留贈長相
憶當取戈船萬戶侯

送萬大歸長沙

王昌齡

桂陽秋水長沙縣楚竹離聲為君變青山隱隱孤舟
微白鶴雙飛忽相見

送歐陽子還江華郡

錢起

江華勝事接湘濱千里湖山入興新才子思歸催去
棹汀花且為駐殘春

送客還幽州

張籍

惆悵秦城送獨歸薊門雲樹遠依依秋來莫射南飛
鴈從遣乘春更北飛

送顧非熊秀才歸丹陽

王建

江城柳色海門煙欲到茅山始下船知道君家當瀑
布菖蒲潭在草堂前

送元八歸鳳翔

白居易

莫道岐州三日程其如風雪一身行與君况是經年
別暫到城東又出城

新安送陸澧歸江陰

劉長卿

唐詩類友 卷之三百七
新安路人來去早潮復晚潮明日知何處潮水無情
亦解歸自憐長在新安住

滑州送人先歸

劉商

河水冰銷旅鴈飛寒衣未足又春衣自憐飄蕩經年
客送別千迴獨未歸

壬戌歲閏鄉卜居

吳融

六載抽毫侍禁闈不堪多病決然歸五陵年少如相
問阿對泉頭一布衣

暮春號州東亭送李司馬歸扶風別廬

岑參

柳鞦鶯嬌花復殷紅亭綠酒送君還到來函谷愁中
月歸去磻溪夢裏山簾前春色應須惜世上浮名好
是閑西望鄉園腸欲斷對君衫袖淚痕斑

送章孝標校書歸杭州因寄白舍人

楊巨源

曾過靈隱江邊寺獨宿東樓看海門潮色銀河鋪碧
落日光金柱出紅盆不妨公事資高卧無限詩情要
細論若訪郡人徐孺子應須騎馬到沙村

郎上送韋司士歸上都舊業

司士即鄭公之
孫頃客于郎上

劉長卿

前朝舊業想遺塵今日他鄉獨爾身
郎地國除爲過客杜陵家在有何人
蒼苔白露生三徑古木寒蟬滿
四隣西去茫茫問歸路關河漸近淚盈巾

四隣下此去茫茫盡秋
草離心萬里逐征輪

一本自古
木寒蟬滿

送羅少府歸牛渚

賈島

作尉長安始三日忽思牛渚夢天臺
楚山遠色獨歸去灞水空流相送回
霜覆鶴身松子落月分螢影石房開
白雲多處應頻到寒澗泠泠漱古苔

送友人歸夷門

羅隱

二年流落大梁城每送君歸卽有情
別路筭來成底

事舊遊言着似前生花荒懶認詞人會
門在空怜烈士名至竟男兒分應定不
須惆悵谷中鷲

送梅處士歸寧國

羅隱

十五年前卽別君別時天下未紛紜
亂離且喜身俱在存沒那堪耳更聞
良會謾勞悲曩跡舊交誰去吊荒墳
殷勤爲謝逃名客想望千愁嶺上雲

送裴饒歸會稽

羅隱

金庭路指剡川隈珍重良朋自此來
兩鬢不堪悲歲月一卮猶得話塵埃
家通曩分心空在世逼橫流眼未開
笑殺山陰雪中客等閑乘興又須廻

送人歸湘中兼寄舊知

羅隱

青溪煙雨九華山亂後應同夢寐間
萬里分飛休掩袂兩旬相見且開顏
君依宰府貂蟬貴我戀王門鬢髮斑
爲謝伏波筵上客幾時金印擬西還

早春送張坤歸大梁

羅隱

蕭蕭羸馬正塵埃又送歸軒向吹臺
別酒莫辭今夜醉故人知是幾時迴
泉經華岳猶應凍花到梁園始合開
爲謝東門抱關吏不堪惆悵滿離杯

唐詩類苑卷第一百十七終

唐詩類苑卷第一百十八

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

還鄉

送進士劉師服東歸

韓愈

猛虎落檻穿坐石如孤狹丈夫在富貴豈必守一門
公心有勇氣公口有直言柰何任埋沒不自求騰軒

唐詩類苑 卷之三百八
僕本亦進士頗嘗究根源由來骨鯁材喜被軟弱吞
低頭受侮笑隱忍肆兀寃泥雨城東路夏槐作雲屯
還家雖闕短指日親晨餐携持令名歸自足貽家尊
時節不可翫親交可攀援勉來取金紫勿久休中園

長安送柳大東歸

白居易

白社羈遊伴青門遠別離浮名相引住歸路不同歸

送友人東歸

劉長卿

對酒灞亭暮相看愁自深河邊草已綠此別難爲心

送友東歸

孟浩然

士有不得志棲棲吳楚間廣陵相遇罷彭蠡泛舟還

檣出江中樹波連海上山風帆明日遠何處更追攀

浮汴東歸

張喬

日暖泗濱西無窮岸草齊薄煙衰草樹微月迴城鷄
水近滄浪急山隨綠野低羞將舊名姓還向舊遊題

送夏侯審校書東歸

錢起

楚鄉飛鳥沒一作外獨與碧雲一作片帆還破鏡催歸客殘

陽見舊山詩成流水上夢盡落花間倘寄相思字愁
人定解顏

送李方東歸

即故李校書端親弟

盧綸

故交三四人問別共沾巾舉目是陳事滿城無至親

送進士盧啓東歸

鄭谷

灞岸草萋萋離觴我獨攜流年俱老大失意又東西
曉楚山雲滿春吳水樹低到家梅雨歇猶有子規啼

送吉校書東歸

司空曙

少年芸閣吏罷直暫歸休獨與親知別行逢江海秋
聽猿看楚岫隨鴈到吳洲處處園林好何人待子猷

送張芬東歸

崔峒

喧喧五衢上鞍馬日驅馳落日臨阡陌貧交欲別離
早知時事異堪與世人隨握手將何贈君心我獨知

都門送許棠東歸

曹松

舊客東歸遠長安詩少朋去愁分磧鴈行計逐鄉僧
華岳無時雪黃河漫處冰知辭國門路片席認西陵

送客東歸

于鄴

一聽遊子歌秋計覺蹉跎四海少平地百川無定波
共驚年已暮俱向客中多又駕征輪去東歸將若何

送四鎮薛侍御東歸

岑參

相送淚沾衣天涯獨未歸將軍初得罪門客復何依
夢去胡山濶書停隴鴈稀園林幸接近一為到柴扉

送友人東歸

戴叔倫

唐詩卷之五
萬里楊柳色出關送故人輕煙拂流水落日照行塵
積夢江湖濶憶家兄弟貧徘徊灞亭上不語自傷春
未飲讌歌已有餘聲

送李憶東歸

溫庭筠

黃山遠隔秦樹紫禁斜通渭城別路青青柳弱前溪
漠漠苔生和風澹蕩歸客落月殷勤早鶯灞上金樽
昨夜東風吹盡雪兩京路上梅花發行人相見使東
西日暮溪頭飲馬別把君衫袖望垂楊兩行淚下思
故鄉

送客東歸

李端

送友人東歸

劉長卿

關路迢迢匹馬歸垂楊寂寂數鶯飛憐君獻策十餘
載今去猶爲一布衣

東還

李商隱

自有仙才自不知十年長夢採華芝秋風動地黃雲
暮歸去嵩陽尋舊師

東歸

羅風鄴

日日唯憂行役遲東歸可是有家歸都緣桂玉無門
住不筭山川去路危秦樹夢愁黃鳥轉吳江釣憶錦
鱗肥桃夭李豔清明近惆悵當年意盡違

東歸別常修

羅隱

六載辛勤九陌中，却尋歸路五湖東。
名慙桂苑一枝綠，鱸憶松江兩筋紅。
浮世到頭須適性，男兒何必盡成功。
唯慙鮑叔深知我，他日蒲帆百尺風。

東歸

羅隱

仙桂高高似有神，貂裘弊盡取無因。
唯將白髮期公道，不覺丹枝屬別人。
雙闕往來慙請謁，五湖歸後耻交親。
盈盤紫蟹千卮酒，添得臨岐淚滿襟。

東歸途中作

羅隱

村橘蒼黃覆釣磯，早年生計近年違。
老知風月終堪

恨貧覺家山不易歸，別鴈客帆知岸落。
遠程霜葉向人飛，買臣嚴助精靈在，應笑無成一布衣。

賦東歸

羅尚卿

九重丹詔下塵埃，深瑣文闈罷選才。
桂樹放教遮月長，杏園終待隔年開。
自從玉帳論兵後，不許金門諫獵來。
今日灞陵橋上過，門人應笑臘前迴。

鄭秀才東歸憑達家書

許渾

欲寄家書少客過，閉門心遠洞庭波。
兩巖花落夜風急，一徑草荒春雨多。
愁泛楚江吟浩渺，憶歸吳岫夢嵯峨。
貧居不問應知處，漢上閑船繫綠蘿。

送楊皞東歸

羅綸

登樓掩泣話歸期
楚樹荆雲發遠思
日裏揚帆聞戍鼓
舟中酌酒見山祠
西江風浪何時盡
北客音書欲寄誰
若說湓城楊司馬
知君望國有新詩

送從弟徹東歸

張籍

緱山領印知公奏
才稱同時盡不如
奉使賀成登冊禮
陪班看出奉恩書
去迴在路秋塵裏
受詔辭歸曉漏初
早晚得為朝署拜
閑坊買宅作鄰居

送陸拾遺東歸

許渾

獨振儒風一作獨負名一作名遇盛時
紫泥初出世
人知文一作

章報主非無意
書劍還家素有期
秋寺臥雲移棹晚
暮江乘月落帆遲
東歸自是緣清興
莫比商山詠紫芝

送從弟刪東歸

張籍

雲水東南兩月程
貪歸慶節馬蹄輕
春橋欲醉攀花別
野路閑吟觸雨行
詩價已高猶失意
禮司曾賞會成名
舊山風月知應好
莫過秋時不到京

送劉秀才南歸

陳存

鳥啼楊柳垂此別
千萬里古路入商山
春風生灞水
停車落日在罷酒
離人起蓬戶
寄龍沙送歸情
詎已

送從叔校書簡南歸

孟郊

長安別離道宛在東城隅寒草根未死愁人心已枯
促促水上景遙遙天際途生隨昏曉中皆被日月驅
北騎達山岳南帆指江湖高蹤一超越千里在須臾

送友人南歸

王維

萬里春應盡三江鴈亦稀連天漢水廣孤客郢城歸
鄖國稻苗秀楚人菰米肥懸知倚門望遙識老萊衣

送耿逸人南歸

僧清塞

南行隨越僧舊葉一池菱兩鬢已如雪五湖歸挂罾
夜濤鳴柵鎖容葦露船燈此去應無事却來期未能

送人南歸

李益

人言下江疾君道下江遲五月江路惡南風驚浪時
應知近家喜還有異鄉悲無柰孤舟夕山歌聞竹枝

送客南歸有懷

許渾

綠水暖青蘋湖潭萬里春瓦樽留海客銅鼓賽江神
避雨松楓岸看雲楊柳津長安一杯酒座上有歸人

送徐渙端公南歸

鄭谷

青襟離白社朱紱始言歸此去多應羨初心盡不違
江帆和日落越鳥近鄉飛一路春風裏楊花雪滿衣

送曹郎中南歸時南中用軍

李洞

桂水淨和天南歸似謫仙繫條輕象笏買布接蠻舡
海氣烝猨軟一作濕江風激箭偏罷郎吟亂裏帝遠豈

知賢

戊客南歸

于瀆

北別黃榆塞南歸白雲鄉孤舟下彭蠡楚月沈滄浪
為子惜功業滿身刀箭瘡莫渡汨羅水回君忠孝腸

南歸

顧况

老病力難任猶多鏡雪侵鱸魚消宦况鷗鳥識歸心
急雨江帆重殘更驛樹深鄉關殊可望漸漸入吳音

別鄉人南還

張九齡

橘柚南中暖桑榆北地陰何言榮落異因見別離心
吾亦江鄉子思歸夢寐深聞君去水宿結思渺雲林
牽綴從浮事遲迴謝所欽東南行舫遠秋浦念猿吟

送福州王先輩南歸

韋莊

豫章城下偶相逢自說今方遇至公八韻賦吟梁苑
雪六銖衣惹杏園風名標玉籍仙壇上家寄閩山畫
障中明日一杯何處別綠楊煙岸雨濛濛

西還

元稹

悠悠洛陽夢鬱鬱灞陵樹落日正西歸逢君又東去

不繫與舟閑悠悠吳楚間羞將新白髮却到舊青山
一葉初飛樹幾人同入關長安家尚在秋至又西還

西歸絕句十二首
元稹

雙堠頻頻減去程漸知身得近京城春來愛有歸鄉
夢一半猶疑夢裏行

五年江上損容顏今日春風到武關兩紙京書臨水

讀小桃花樹滿商山

得復言
樂天書

同歸諫院韋丞相共貶河南亞大夫今日還鄉獨樵

悴幾人憐見白髭鬚

韋丞相貫之
裴中丞度

只去長安六日期多應及得杏花時春明門外誰相
待不夢閑人夢酒卮

白頭歸舍意如何賀處無窮吊亦多左降去時裴相

宅舊來車馬幾人過

裴相
公相

還鄉何用淚沾襟一半雲霄一半沈世事漸多饒悵
望舊曾行處便傷心

閑遊寺觀從容到遍問親知次第尋腸斷裴家光德
宅無人掃地戟門深

一世營營死是休生前無事定無由不知山下東流
水何事長須日夜流

今朝西渡丹河水心寄丹河無限愁若到莊前竹園

下殷勤為遶故山流丹浙莊之東流

寒窻風雪擁深爐彼此相傷指白鬚一夜思量十年

事幾人強健幾人無宿實十二藍田宅

雲覆藍橋雪滿溪須臾便與碧峯齊風回麴市連天

合凍壓花枝着水低

寒花帶雪滿山腰着柳冰珠滿碧條天色漸明回一

望玉塵隨馬度藍橋

賊平後送人北歸 司空曙

世亂同南去時清獨北還他鄉生白髮舊國見青山

曉月過殘壘繁星宿故關寒禽與衰草處處伴愁顏

送趙明府還北 方干

故林終不住劍鶴在扁舟盡室無餘俸還家得白頭

鐘催吳岫晚月照渭河流曾是棲安邑恩期異日酬

送張籍歸江東 王建

清泉澣塵緇靈藥釋昏狂君詩發大雅正氣迴我腸

復令五彩姿潔白歸天常昔歲同講道青襟在師傍

出處兩相因如彼衣與裳行行成歸此離我適咸陽

失意未還家馬蹄盡四方訪餘味新文不倦道路長

僮僕懷昔念亦如還故鄉相親惜晝夜寢息不異牀

原言類
卷之三
猶將在遠道忽忽起思量黃金未爲罌無以挹酒漿
所念俱貧賤安得相發揚迴車遠歸省舊宅江南廂
但貴情義彰五月天氣熱波濤毒於湯
慎勿多飲酒藥膳願自強

洛中送人還江東

儲光羲

洛城春雨霽相送下江鄉樹綠天津道山明伊水陽
孤舟從此去客思一何長直望清波裏唯餘落日光

友人自荆襄歸江東

友喪其偶

許渾

商洛轉江濱一杯聊送君劍愁龍失伴琴怨鶴離羣
楚驛枕秋水湘帆凌暮雲猿聲斷腸處應向雨中聞

送郭太祝歸江東

方干

鄉人去欲盡北鴈又南飛京洛風塵久江淮音信稀
舊山知獨往一醉莫相違未得解羈旅無勞問是非

送丘丹歸江東

李端

故山霜落久才子憶荆扉旅舍尋人別秋回逐鴈歸
夢愁楓葉盡醉惜菊花稀肯學求名者經年未拂衣
送張芬歸江東兼寄柳中庸

李端

人是天涯客偏傷木落時如何故國見更欲異鄉期
鳥暮東西急陂寒上下遲空將滿眼淚千里怨相思

送王秘書歸江東

耿 漳

迴首望知音 逶迤桑柘林 人歸海郡遠 路入雨天深
萬木經秋葉 孤舟向暮心 唯餘江海畔 應見白頭吟

送客還江東

韓 翃

還家不落春風後 數日應沾越人酒 池畔花深聞鴨
欄橋邊雨洗藏鴉柳 遙憐內舍看新衣 復向鄰家醉
落暉把手間歌香 橘下空山一望鷓鴣飛

送沈子歸江東

王 維

楊柳渡頭行客稀 罟師盪漿向臨圻 唯有相思似春
色 江南江北送春歸

送陸暢歸江南

韓 愈

舉舉江南子

唐人以為舉止名以能詩聞

端麗為舉舉

暢登蘭省遇雲陽公主下

降暢為儂相有詠簾誅行障催粧等作內人以暢吳音才思敏捷以詩嘲之暢酬曰粉面仙郎選聖朝獨逢秦女學吹簫傾教翡翠翠
聞王母不柰烏鳶噪鵲橋 一來取高第官佐東宮軍

迎婦丞相府 誇映秀士羣 鸞鳴桂樹間 觀者何繽紛

人事喜顛倒 旦夕異所云 蕭蕭青雲幹 逐逐荊棘焚

歲晚鴻鴈過 鄉思見新文 踐此秦關雪 家彼吳洲雲

悲啼上車女 骨肉不可分 感槩都門別 丈夫酒方醺

我實門下士 力薄蚋與蚊 受恩不即報 永負湘中墳

餞陳學士還江南用徵字

張九齡

唐詩卷之三百一
荷篠旋江澳，銜杯餞灞陵。別前林鳥息，歸處海煙凝。
風土鄉情接，雲山客念憑。聖朝巖穴選，應待鶴書徵。
送友人歸江南
崔塗

渚田芳草偏，共憶故山春。獨往滄洲暮，相看白髮新。
定過林下寺，應見社中人。只恐東歸後，難將鷗鳥親。
送友人歸江南
張喬

辛勤同失意，迢遞獨還家。落日江邊笛，殘春■上花。
親安誠可喜，道在亦何嗟。誰伴高吟處，晴天望九華。
送邵兵曹歸江南
盧仝

春風楊柳陌，連騎醉離觴。千里遠山碧，一條歸路長。
花開愁北渚，雲去渡南湘。東望濛濛處，煙波是故鄉。
送姚八之句容舊任便歸江南
劉長卿

故人還水國，春色動離憂。碧草千萬里，滄江朝暮流。
桃花迷舊路，萍葉蕩歸舟。遠戍看京口，空城問石頭。
折芳佳麗地，望月西南樓。後鳥共孤嶼，煙波連數州。
誰家過楚老，何處戀江鷗。尺素能相報，湖山若箇憂。
途中秋晚送友人歸江南
崔塗

又指煙波筭路岐，此生多是厭羈離。正逢搖落仍須
別，不待登臨已合悲。里巷半空兵過後，水雲初冷鴈

唐詩卷之三百一
來時扁舟未得如君去空向滄江夢所思

送祁樂歸河東

岑參

祁樂後來秀挺身出河東往年詣驪山獻賦溫泉宮
天子不召見揮鞭遂從戎前月還長安囊中金已空
一時忽乘輿畫出江上峰牀頭蒼梧雲簾下天台松
忽如高堂上颯颯生清風五月火雲屯氣燒天地紅
鳥且不敢飛子行如轉蓬少華與首陽隔河勢爭雄
新月河上出清光滿關中置酒灞亭別高歌披心胸
君到故山時爲謝五老翁

送薛弁歸河東

岑參

薛侯故鄉處五老峰西頭歸路秦樹滅到鄉河水流
看君馬首去滿耳蟬聲愁獻賦今未售讀書凡幾秋
應過伯夷廟爲上關城樓樓上能相憶西南指雍州

送友人還洛

李端

去國渡關河蟬鳴古樹多平原正超忽行子復蹉跎
去事不可想舊遊難再過何當嵩岳下相見在煙蘿
寇中送張司馬歸洛

錢起

戎狄寇周日衣冠適洛年客亭新驛騎歸路舊人烟
吾道將東矣秋風更颯然雲愁百戰地樹隔兩鄉天
旅思蓬飄陌驚魂鴈快弦今朝一樽酒莫惜醉離筵

原言卷之八
送許丞還洛陽

僧皎然

剡茗情來亦好斟，空門一別肯沾襟。
悲風不動罷瑤軫，忘却洛陽歸客心。

送韋評事歸華陰

張籍

三峰西面住，出見世人稀。
老大誰相識，恓惶又獨歸。
掃窻秋菌落，開篋夜蛾飛。
若向一作訪雲中伴，還應着褐衣。

五月四日送王少府歸華陰

岑參

仙掌分明引馬頭，西看一點是關樓。
五日也須應到

舍，知君不肯更淹留。

送阿龜歸華陽

李商隱

草堂歸意肯煙蘿，黃綬垂腰不柰何。
因汝華陽求藥物，碧松根下茯苓多。

令狐八拾遺

綯

見招送裴十四歸華州

李商隱

二十中郎未足稀，驪駒先自有光輝。
蘭亭宴罷方回去，雪夜詩成道蘊歸。
漢苑風烟催客夢，雲臺洞穴接郊扉。
嗟予久抱臨邛渴，便欲因君問釣磯。

早春送人歸岳陽

僧尚顏

唐言類考 卷之三十一 五
久食主人魚春來復舊居遠無千里浪輕有半舡書
過片晴雲淡消殘暮雪虛岳陽多異境搜思勿令疎

送顧秘書獻書後歸岳州 盧綸

黃葉落不盡蒼苔隨雨生當軒置樽酒送客歸江城
竹裏聞機杼舟中見弟兄岳陽賢太守應爲改鄉名

送人歸岳陽 李益

烟草連人楓樹齊岳陽歸路子規啼春江萬里巴陵
戍落日看沈碧水西

青溪口送人歸岳州 劉長卿

洞庭何處鴈南飛江蒺蒼蒼客去稀帆帶夕陽千里

沒天連秋水一人歸黃花裛露開沙岸白鳥銜魚上
釣磯岐路相逢無可贈老年空有淚沾衣

送奚賈歸吳 郎士元

東南富春渚曾是謝公遊今日奚生去新安江正秋
水清迎過客霜葉伴行舟遙想赤亭下聞猿應夜愁

送客歸吳 李白

江村秋雨歇酒盡一帆飛路歷波濤去家唯坐臥歸
島花開灼灼汀柳細依依別後無餘事還應掃釣磯

送人歸吳 姚鵠

東吳與上國萬里路迢迢爲別晨昏久全輕水陸遙

唐詩卷之三百一
湘陰島上寺楚色月中潮到此一長望一作知君積
恨銷

送顧朝陽還吳

李頎

寂寞俱不偶裏糧空入秦宦塗已可識歸臥包山春
舊國指飛鳥滄波愁旅人開尊洛水上怨別柳花新
送恂上人還吳 儲光羲

洛城本天邑洛水即天池君王既行幸法子復來儀
虛室香花滿清川楊柳垂乘閑道歸去遠意誰能知

維揚送友還蘇州

崔顥

長安南下幾程途得到邗溝吊綠蕪渚畔鱸魚舟上

釣美君歸老向東吳

送陸澧還吳中

劉長卿

瓜步寒潮送客楊柳暮雨沾衣故山南望何處秋草
連天獨歸

送石協律歸吳

周賀

僧窻夢後憶歸耕水涉應多半月程幕府罷來無樂
價紗巾戴去有山情夜隨淨渚離蛩語早過寒潮背
井行已讓辟書稱抱疾滄洲便許白髭生

送元晝上人歸蘇州兼寄張厚

許渾

自卜閑居荆水幽一作感時相別思悠悠一樽酒盡

青山暮千一作萬里書回碧樹秋深巷久貧知一作長寂

寞小詩多病尚一作也風流畫公此去應相問為說沾

巾一作衣憶舊游

送陸侍御還越

韋應物

居藩久不樂遇子聊一欣英聲頗籍甚交辟廼時珍

繡衣過舊里驄馬輝四鄰一作輝光敬恭尊郡守

簡具州民謬忝誠所媿思懷方見申置榻宿清夜加

邊醺良辰遵塗還盛府行舫遶長津自有賢方伯得

此文翰賓

送朱兵曹迴越

賈島

星彩練中見澄江豈有泥潮生垂釣罷楚盡去檣西

磧鳥辭沙至山巖隔水啼會稽半侵海濤白禹祠溪

送嚴維歸越州

李嘉祐

艱難只用武歸向浙河東松雪千山暮林泉一水通

鄉心綠草野思看青楓春日偏相憶裁書寄剡中

送賀賓客歸越

李白

鏡湖流水漾清波狂客歸舟逸興多山陰道士如相

見應寫黃庭換白鵝

送朱可久歸越中

賈島

石頭城下泊北固暝鐘初汀鷺潮衝起舡牕月過虛
吳山侵越衆隋柳入唐疎日欲躬調膳辟來何府書

送京參翁先輩歸閩中

鄭谷

解印東歸去人情此際多名高五七字道勝兩重科
宿館明寒曉吟船元夜波家山春更好越鳥在庭柯

送歐陽衮歸閩中

項斯

秦城幾年住猶着故鄉衣失意時相識成名後獨歸
海秋蠻樹黑嶺夜瘴禽飛爲學心難滿知君更掩扉

送李休秀才歸嶺中

劉滄

南泛孤舟景自饒蒹葭汀浦晚蕭蕭秋風漢水旅愁

起寒木楚山歸思遙獨夜猿聲和落葉晴江月色帶
回潮故園新過重陽節黃菊滿籬應未凋

廣陵送趙主簿自蜀歸

戴叔倫

將歸汾水上遠省錦城來已泛西江盡仍隨北鴈迴
暮雲征馬速曉月故關開漸向庭門逝留君醉一杯

送從舅成都縣丞廣歸蜀

首二盧 綸

巴字天邊水秦人去是歸棧長山雨響溪亂火田稀
俗富行應樂官雄祿豈微魏舒終有淚還濕甯家衣

二

褒谷通岷嶺青冥此路深晚程椒瘴熱野飯荔枝陰

古郡三刀夜春橋萬里心唯應對楊柳暫醉卓家琴

送徐先生歸蜀

張籍

日暮遠歸處雲間仙觀鐘唯持青玉牒獨立碧鷄峰

陰澗一作洞長收乳寒泉舊養龍幾時因賣藥得向海

邊逢

送故人歸蜀

韓翃

一騎西南遠翩翩入劍門客衣筒布潤山舍荔枝繁

古廟祠金馬春江釣白黿自應成旅逸愛客有王孫

送費六還蜀

駱賓王

星樓望蜀道月峽指吳門萬行流別淚九折切驚魂

雲影含花落月陰帶葉昏還當三逕晚獨對一清樽

送張郎中還蜀歌

盧綸

秦家御史漢家郎親專兩印征殊方功成走馬朝天

子伏檻論邊若流水曉離仙署趨紫微夜接高儒讀

青史瀘南五將望君還願以天書示百蠻曲棧重江

初過雨前旌後騎不同山迎車拜舞多耆老舊卒新

營遍青草塞口雲生火候遲烟中鶴喚軍行早黃花

川下水交橫遠映孤霞蜀國晴邛竹筍長椒瘴起荔

枝花發杜鵑鳴迴首岷峨半天黑傳觴接膝何由得

空令豪士仰威名無復貧交恃顏色垂楊不動雨紛

唐言類考 卷之三十一
紛錦帳胡瓶爭送君須臾醉起簫笳發空見紅旌入
白雲

送客歸湘楚

許渾

無辭一杯酒昔日與君深秋色換歸鬢曙光生別心
桂花山廟冷楓樹水樓陰此路千餘里應勞楚客吟

送張五員外東歸楚州

錢起

纓珮不爲美人羣寧免辭杳然黃鵠去未負白雲期
此別清興盡高秋臨水時好山枉帆僻浪跡到家遲
他日詔書下梁鴻安可追

送賀知章歸四明

玄宗

知章年八十有六臥病冥然無知疾損上表乞爲
道士還鄉明皇許之捨宅爲觀賜名千秋又求周
宮湖數頃爲放生池帝乃賜鏡湖剡川一曲命其
男僧子會稽郡司馬賜緋魚使侍養幼子亦聽爲
道士詔令供帳東門百寮祖餞御製送詩并序云
天寶三年太子賓客賀知章鑒知足之分抗歸老
之疏解組辭榮志期入道朕以其年在遲暮用循
挂冠之事乃命六卿庶尹大夫供帳青門寵行邁
也豈唯崇德尚齒抑亦勵俗勸人無令二疏獨光
漢冊乃賦詩贈行

遺榮期入道辭老竟抽簪豈不惜賢達其如高尚心
寰中得秘要方外散幽襟獨有青門餞羣寮悵別深

送賀監歸四明應制

李林甫

挂冠知止足豈獨漢疏賢入道求真侶辭恩訪列仙
睿文含日月宸翰動雲烟鶴駕吳鄉遠遙遙南斗邊

送賀監歸四明應制

李白

久辭榮祿遂初衣曾向長生說息機真訣自從茅氏
得恩波寧阻洞庭歸瑤臺含霧星辰滿仙嶠浮空島
嶼微借問欲棲珠樹鶴何年却向帝城飛

送金昌宗歸錢塘

劉長卿

新家浙江上獨泛落潮歸秋水照華髮涼風生褐衣
柴門嘶馬少藜杖拜人稀惟有陶潛柳蕭條對掩扉

送顧陶校書歸錢塘

儲嗣宗

清苦月偏知南歸瘦馬遲橐輕緣換酒髮白爲吟詩
水色西陵渡松聲伍相祠聖朝思直諫不是掛冠時

送孟六歸襄陽

一作送孟浩然二首

張子容

杜門不欲復一作出久與世情疎以此爲長策勸君歸

舊廬醉歌田舍酒笑讀古人書好是一生事無勞獻

子虛

東越相逢地西亭送別津風潮一作看解纜雲雨見
愁人鄉在桃林岸江山一作連楓樹春長懷故園意歸
與孟家隣

送王上人還襄陽

儲光羲

朝看法雲散知有至人還送客臨伊水行車出故關
天花滿南國精舍在空山雖復詩來去中心長日閑
岐下送友人歸襄陽

賈島

蹉跎隨泛梗羈旅到西州舉翮籠中鳥知心海上鷗
山光分首暮草色向家秋若更登高峴看碑定淚流

秋夜送趙列歸襄陽

錢起

斗酒忘言良夜深紅萱露滴鵲驚林欲知別後思今
夕漢水東流是寸心

送李六協律歸荆南

韓愈

早日羈遊所春風送客歸柳花還漠漠江燕正飛飛
歌舞知誰在賓僚遂使非宋亭池水綠莫忘蹋芳菲
夏口送長寧楊明府歸荆南因寄幕府諸公

劉長卿

關西揚太尉千載德猶聞白日俱終老清風獨至君
身承遠祖遺一作後才出衆人羣舉世貪荆玉全家戀
楚雲向煙帆杳杳臨水葉紛紛草覆昭丘綠江從夏

口分高名光盛府異姓寵殊勲百越今無事南征欲
罷軍

送張觀歸袁州

李嘉祐

羨爾湘東去烟花尚可親綠芳深映馬遠岫遍迎人
饑飲啼初日殘鶯惜暮春遙憐謝客興佳句又應新
莫倦連期在醉鄉孔門多戀惜分行文章聲價從來
重霄漢途程此去長何處聽猿臨萬壑幾宵因月滯
三湘鑪峰若上應相憶不得同過惠遠房

送黃願歸袁州

姚鵠

送人歸江寧

岑參

楚客憶鄉信向家湖水長住愁春草綠去喜桂枝香
海月迎歸楚江雲引到鄉吾兄應借問爲報鬢毛霜

送沈少府還江寧

錢起

遠宦碧雲外此行佳興牽湖山入閭井鷗鳥傍神仙
斜日背鄉樹春潮迎客船江樓新興發應與政聲傳

送尉遲羽之歸宣州

盧仝

君歸乎君歸興不孤謝眺澄江今夜月也應憶著此
山夫

送張五諝歸宣城

王維

五湖千萬里况復五湖西漁浦南陵郭人家春穀溪

欲歸江淼淼未到草淒淒憶想蘭陵鎮可宜猿更啼
送謝石先輩歸宣州 林寬

名隨春色遠湖外已先知花盡方辭醉鷺殘是放時
天寒千尺岳領白半聯詩笋蕨猶堪採榮歸及養期
送許棠先輩歸宣州 林寬

髮枯窮律韻字字合墳笈日月所到處姓名無不知
鶯啼謝守壘苔老謫仙碑詩道喪來久東歸為吊之
送鄭谷歸宜春 曹鄴

無成歸故國上馬亦高歌况是飛鳴後殊為喜慶多
星鎖嵩岳雨涼吹洞庭波莫便閑吟去須期接盛科
送友人歸宜春 張喬

落花兼柳絮無處不紛紛遠道空歸去流鶯獨自聞
野橋喧磴水山郭入樓雲故里南陔曲秋期更送君
送高道弟耽歸臨淮作 王維

少年客淮泗落魄居下邳遨遊向燕趙結客過臨淄
山東諸侯國迎送紛交馳自爾厭遊俠閉戶方垂帷
深明戴家禮頗學毛公詩備知經濟道高卧陶唐時
聖主詔天下賢人不得遺公吏奉纁組安車去茅茨
君王蒼龍闕九門十二達羣公朝謁罷冠劍下丹墀
野鶴終踉蹌威鳳徒參差或問理人術但致還山詞

天書降北闕賜帛歸東菑都門謝親故行路日逶遲
孤帆萬里外森漫將何之江天海陵郡雲日淮陰祠
杳冥滄洲上蕩漭無人知緯蕭或賣藥出處安能期
送李穆歸淮南
劉長卿

揚州春草新年綠未去先愁去不歸淮水問君來早
晚老人偏畏過芳菲

海上詩送薛文學歸海東
劉昫

何處歸且遠送君東悠悠滄溟千萬里日夜一孤舟
曠望絕國所微茫天際愁有時近仙境不定若夢遊
或見青色古孤山百里秋前心方杳渺後路勞夷猶

離別惜吾道風波敬皇休春浮花氣遠思逐海水流
日暮驪歌後永懷空滄洲

送張儋木路歸北海
韓翃

千里東歸客孤心憶舊遊片帆依白水高枕臥青州
栢寢寒蕪變梧臺宿水收知君心興遠每上海邊樓

送黃隱居歸南海
許渾

瘴霧南邊久寄家海中來往信流槎林藏鷺鷥多殘
筍桂過猩猩少落花深洞有雲龍蛻骨半巖無草象
生牙知君愛宿層峰頂坐到三更見日華

送人歸日東
林寬

唐詩類苑 卷之三百六
三十一
滄溟西畔望一望一心摧地即同正朔天教阻往來
波翻夜作電鯨吼晝爲雷門外人參徑到時花幾開

送褚山人歸日東

賈島

懸帆待秋水去入杳冥關東海幾年別中華此日還
岸遙生白髮波盡露青山隔水相思在無書也是閑

送朴山人歸日本

僧無可

海霽晚帆開應無鄉信催水從荒外積人指日遶迴
望國乘風久浮天絕島來倘因華夏使書札轉悠哉

送校書晁監還日本國

王維

見水部海

送日本國僧敬龍歸

韋莊

扶桑已在渺茫中家在扶桑東更東此去與師誰共
到一船明月一帆風

送客歸新羅

項斯

君家滄海外一別見何因風土雖知教程途自致貧
浸天波色晚橫笛鳥行春明發千檣下應無更遠人

送朴山人歸新羅

馬戴

浩渺行無極揚帆但信風雲山過海半鄉樹入舟中
波定遙天出沙平遠岸窮離心寄何處目斷曙霞東

送新羅使

張籍

萬里爲朝使離家今幾年應知舊行路却上遠歸船
夜泊避蛟窟朝炊求島泉悠悠到鄉國還望海西天

送金卿歸新羅

陶翰

奉義朝中國殊恩及遠臣鄉心遙渡海客路再經春
落日誰同望孤舟獨可親拂波銜木鳥偶宿泣珠人
禮樂夷風變衣冠漢制新青雲已千呂知汝重來賓

送僧歸新羅

姚鵠

森森萬餘里扁舟發落暉滄溟何歲別白首此時歸
寒暑途中變人煙嶺外稀驚天巨鰲鬪蔽日大鵬飛
雪人行砂屨雲生坐石衣漢風深得習休恨本心違

送金可紀歸新羅

章孝標

登唐科第語唐音望日初生憶故林鮫室夜眠陰火
冷蜃樓朝泊曉霞深風高一葉飛魚背湖淨三山出
海心想把文章合夷樂蟠桃花裏醉人參

唐詩類苑卷第一百十九 終

唐詩類苑卷第一百十九

明雲間張之象玄超甫纂輯

雲間唐仲賢晉卿甫編次

雲間王徹叔朗甫補訂

梁谿曹仁孫伯安甫校正

人部

感遇

感遇三十八首

陳子昂

唐興文章承徐庾餘風子昂始變雅正初為感遇詩王適見之曰是必為海內文宗矣請納交

微月生西海幽陽始化一作昇圓光正東滿陰魄已
朝凝太極生天地三元更廢興至精諒斯在三五誰
能徵

二

蘭若生春夏芊蔚何青青幽獨空林色朱蕤冒紫莖
遲遲白日晚嫋嫋秋風生歲華盡搖落芳意竟何成

三

蒼蒼丁零塞今古緬荒途亭堠何摧兀暴骨無全軀
黃沙幕南起白日隱西一作隅漢甲三十萬曾以事
匈奴但見沙場死誰憐塞上孤

四

樂羊爲魏將食子殉軍功骨肉且相薄他人安得忠
吾聞中山相乃屬放麇翁狐獸猶不忍况以奉君終

屬子於西巴者孟孫也非中山相也劉須谿云事雖誤用語自可傳

五

市人矜巧智於道重童蒙傾奪相誇侈不知身所終
曷見玄真子觀世玉壺中窅然遺天地乘化入無窮

六

吾觀龍變化乃是至陽精石林何冥密幽洞無畱行
古之得仙道信與元化并玄感非蒙一作識誰能測

唐詩類苑 卷之一百九
淪冥世人拘目見酣酒笑丹經崑崙有瑤樹安得采
其英

七

白日每不歸青陽時暮矣茫茫吾何思林臥觀無始
衆芳委時晦鷓鴣鳴悲耳鴻荒古已頽誰識巢居子

八

吾觀崑崙化日月淪洞冥精魄相交構天壤已羅生
仲尼推太極老聃貴窅冥西方金僊子崇議一作乃
無明空色皆寂滅緣業亦何成名教信紛籍死生俱
未停

九

聖人祕元命懼世亂其真如何嵩公輩詆譎誤時人
先天誠爲美階亂禍誰因長城備胡寇羸禍發其親
赤精旣逃漢子年何救秦去去桃李花多言死如麻

十

深居觀群動悻然爭朶頤讒說相啖食利害紛凝凝
便便夸毗子榮耀更相持務光讓天下商賈競刀錐
已矣行采芝萬世同一時

十一

吾愛鬼谷子青谿無垢氛囊括經世道遺身在白雲

身言卷之二十一
七雄方龍鬪天下亂無君浮榮不足貴遵養晦時文
舒之彌宇宙卷之不盈分豈啻山木壽空與麋鹿群

十二

呦呦南山鹿罹罟以媒和招搖青桂樹幽蠹亦成科
世情甘近習榮耀紛如何怨憎未相復親愛生禍羅
瑤臺傾巧笑玉盃殞雙蛾誰見枯城蘖青青成斧柯

十三

林居病時久水木淡孤清閑卧觀物化悠悠念群生
青春始萌達朱火已滿盈徂落方自此感嘆何時平

十四

臨岐泣世道天命良悠悠昔日殷王子玉馬遂朝周
寶鼎淪伊穀瑤臺成古丘西山傷遺老東陵有故侯

十五

貴人難得意賞愛在須臾莫以心如玉探他明月珠
昔稱天桃子今爲春市徒鴟鴞悲東國麋鹿泣姑蘇
誰見鴟夷子扁舟去五湖

十六

聖人去已久公道緬良難蚩蚩夸毗子堯禹以爲謾
驕榮貴工巧勢利迭相干燕王尊樂毅分國願同歡
魯連讓齊爵遺組去邯鄲伊人信往矣感激爲誰嘆

十七

幽居觀大運悠悠念群生終古代興沒豪聖莫能爭
三季淪周赧七雄滅秦嬴復聞赤精子提劍入咸京
炎光旣無象晉虜紛縱橫堯禹道旣昧昏虐世方行
豈無當世雄天道與胡兵咄咄安可言時醉而未醒
仲尼溺東魯伯陽遁西溟大運自古來旅人胡嘆哉

十八

逶迤勢已久骨鯁道斯窮豈無感激者時俗頽此風
灌園何其鄙皎皎於陵子世道不相容嗟嗟張長公

十九

聖人不利已憂濟在元元黃屋非堯意瑤臺安可論
吾聞西方化清淨道彌敦柰何窮金玉雕刻以爲尊
雲構山林盡瑤圖珠翠煩鬼工尚未可人力安能存
夸愚適增累矜智道逾昏

二十

玄天幽且默群議曷咄咄聖人教猶在世運久陵夷
一繩將何繫憂醉不能持去去行採芝勿爲鹿所欺

二十一

蜻蛉遊天地與物本無患飛飛未能去黃雀來相干
穰侯富秦寵金石比交歡出入咸陽裏諸侯莫敢言

唐詩類苑 卷之二十一
寧知山東客激怒秦王肝布衣取丞相千載為辛酸

二十二

微霜知歲宴斧柯始青青况乃金天夕浩露沾群英
登山望宇宙白日已西暝雲海方蕩瀾孤鱗安得寧

二十三

翡翠巢南海雄雌珠樹林何知美人意嬌愛比黃金
殺身炎州裏委羽玉堂陰旖旎光首飾歲蕤爛錦衾
豈不在遐遠虞羅忽見尋多材固為累歎息此珍禽

二十四

挈瓶者誰子姣服當青春三五明月滿盈盈不自珍

高堂委金玉微纓懸千鈞如何負公鼎被欬笑時人

二十五

玄蟬號白露茲歲已蹉跎群物從大化孤英將柰何
瑤臺有青鳥遠食玉山禾崑崙見玄鳳豈復嘆雲羅

二十六

荒哉穆天子好與白雲期宮女多怨曠層城閉蛾眉
日耽瑤池樂豈傷桃李時青苔空萎絕白髮生羅帷

二十七

朝發宜都渚浩然思故鄉故鄉不可見路隔巫山陽
巫山綵雲沒高丘正微茫佇立望已久涕落霑衣裳

豈茲越鄉感憶昔楚襄王朝雲無處所荆國亦淪亡
二十八

昔日章華宴荆王樂荒淫霓旌翠羽蓋射兕雲夢林
竭來高堂觀悵望雲陽岑雄圖今何在黃雀空哀吟

二十九

丁亥歲云暮西山事甲兵羸糧匱邛道荷戟爭羗城
嚴冬陰風勁窮岫油雲生昏暝無晝夜羽檄復相驚
拳跼競萬仞崩危走九冥籍籍峰壑裏哀哀冰雪行
聖人御宇宙聞道泰階平肉食謀何失藜藿緬縱橫

三十

竭來豪遊子勢利禍之門如何蘭膏嘆感激自生冤
衆趨明所避時棄道猶存雲淵既已失羅網與誰論
箕山有高節湘水有清源唯應白鷗鳥可爲洗心言

三十一

可憐瑤臺樹灼灼佳人姿碧華映朱實攀折青春時
豈不盛光寵榮君白玉墀但恨紅芳歇彫傷感所思

三十二

索居獨幾日炎夏忽然衰陽彩皆陰翳親友盡睽違
登山望不見涕泣久漣漣宿昔感顏色若與白雲期
馬上驕豪子驅逐正蚩蚩蜀山與楚水攜手在何時

三十三

金鼎合還丹世人將見欺飛飛騎羊子胡乃在峨眉
變化固非類芳菲能幾時疲病苦淪世憂悔日侵淄
眷然顧幽褐白雲空涕洟

三十四

朔風吹海樹蕭條邊已秋亭上誰家子哀哀明月樓
自言幽燕客結髮事遠遊赤丸殺公吏白日報私讐
避仇至海上被役此邊州故鄉三十里遼水復悠悠
每憤胡兵入常爲漢國羞何知七十戰白首未封侯

三十五

本爲貴公子平生實愛才感時思報國拔劍起蒿萊
西馳丁零塞北上單于臺登山見千里懷古心悠哉
誰言未亡禍磨滅成塵埃

三十六

浩然坐何慕吾蜀有蛾眉念與楚狂子悠悠白雲期
時哉怨不會涕泣久漣漣夢登綏山穴南采巫山芝
探元觀群化遺世從雲螭婉變時永矣感悟不見之

三十七

朝入雲中郡北望單于臺胡秦何密邇沙朔氣雄哉
藉藉天驕子猖狂已復來塞垣無名將亭堠空崔嵬

唐詩類苑 卷之二十九
咄嗟吾何嘆邊人塗草萊

三十八

仲尼探元化幽鴻願陽和大運自盈縮春秋迭來過
盲飈忽號怒萬物相紛劇溟海皆震湯孤鳳其如何

感遇十二首

張九齡

蘭葉春葳蕤桂華秋皎潔欣欣似生意自爾爲佳節
誰知林棲者聞風坐相悅草木有本心何求美人折

二

幽林歸獨卧滯虛洗孤清持此謝高鳥因之傳遠情
日夕懷空意人誰感至精飛沈理自隔何所慰吾誠

三

魚遊樂深池鳥棲欲高枝嗟爾蜉蝣羽薨薨亦何爲
有生豈不化所感奚若斯神理日微滅吾心安得知
浩嘆楊朱子徒然泣路岐

四

孤鴻海上來池潢不敢顧側見雙翠鳥巢在三株樹
矯矯珍木巔得無金丸懼美服患人指高明逼神惡
今我遊冥冥弋者何所慕

五

吳越數千里夢寐今夕見形骸非我親衾枕卽鄉縣

化蝶猶不識川魚安可羨海上有仙山歸期覺神變

六

西日下山隱北風乘夕流燕雀感昏旦簷楹呼匹儔
鴻鵠雖自遠哀音非所求貴人棄疵賤下士嘗殷憂
衆情累外物恕已忘內修感嘆長如此使我心悠悠

七

江南有丹橘經冬猶綠林豈伊地氣暖自有歲寒心
可以薦嘉客柰何阻重深運命推所遇循環不可尋
徒言樹桃李此木豈無陰

八

永日徒離憂臨風懷蹇修美人何處所孤客空悠悠
青鳥跂不至朱鱉誰云浮夜分起躑躅時逝曷淹留

九

抱影吟中夜誰聞此嘆息美人適異方庭樹含幽色
白雲愁不見滄海飛無翼鳳凰一朝來竹花斯可食

十

漢上有游女求思安可得袖中一札書欲寄雙飛翼
冥冥愁不見耿耿徒緘憶紫蘭秀空蹊皓露奪幽色
馨香歲欲晚感嘆情何極白雲在南山日暮長太息

十一

唐詩類苑 卷之二百九
我有異鄉憶宛在雲溶溶憑此目不覲要之心所鍾
但欲附高鳥安敢攀飛龍至精無感遇悲惋填心胸
歸來扣寂寞人願天豈從

十二

閉門跡群化憑林結所思嘯嘆此寒木疇昔迺芳蕤
朝陽鳳安在日暮蟬獨悲浩思極中夜深嗟欲待誰
所懷誠已矣既往不可追鼎食非吾事雲山嘗我期
胡越方杳杳車馬何遲遲天壤一何異幽嘿卧簾帷

感遇四首

李白

吾愛王子晉得道伊洛濱金骨既不毀玉顏長自春

可憐浮丘公猗靡與情親舉手白日間分明謝時人
二 僊去已遠夢想空殷勤

二

可嘆東籬菊莖疎葉且微雖言異蘭蕙亦自有芳菲
未泛盈樽酒徒沾清露輝當榮君不採飄落欲何依

三

昔余聞嫦娥竊藥駐雲髮不自嬌玉顏方希鍊金骨
飛去身莫返含笑坐明月紫宮誇蛾眉隨手會凋歇

四

宋玉事楚王立身本高潔巫山賦彩雲郢路歌白雪

舉國莫能和巴人皆卷舌一惑登徒言恩情遂中絕

感遇二首

岑參

五花驄馬七香車云是平陽帝子家鳳凰城頭日欲斜
斜門前高樹鳴春鴉漢家魯元君不聞今作城西一
古墳昔來唯有秦王女獨自吹簫乘白雲

北山有芳杜靡靡花正發未及得採之秋風忽吹殺
君不見拂雲百丈青松柯縱使秋風無奈何四時常
作青黛色可憐杜花不相識

感寓

權德輿

殘雨倦倚枕病中時序分寒蟲與秋葉一夜隔窓聞

虛室對搖落晤言無與群冥心試觀化世故如絲焚
但看為戾天豈見山出雲一歌徒擊節朱絃秘南薰
倚梧秀朝陽上有威鳳文終待九成奏來儀瑞吾君

感寓二首

柳宗元

西陸動涼氣驚鳥號北林栖息豈殊性集枯安可任
鴻鵠去不返勾吳阻且深徒嗟日沈洄九鼓驚竒音
東海久搖蕩南風已駸駸坐使青天暮小星愁太陰
衆情嗜奸利居貨損千金危根一以振濟斧來相尋
攬衣中夜起感物涕盈襟微霜衆所踐誰念歲寒心

二

唐言卷之二百九
旭日照寒野鷺斯起蒿萊啁啾有餘樂飛舞西陵隈
迴風旦夕至零葉委陳芟所栖不足恃鷹隼縱橫來

感寓

劉威

海竭山移歲月深分明齊得世人心顏回徒恨少成
古彭祖何曾老至今須向道中平貴賤還從限內任
浮沈他年免似驪山鬼信有蓬萊不可尋

感興八首

李白

瑤姬天帝女精彩化朝雲宛轉入宵夢無心向楚君
錦衾抱秋月綺席空蘭芬茫昧竟誰測虛傳宋玉文

二

洛浦有宓妃飄颻雪爭飛輕雲拂素月了可見清輝
解珮欲西去含情詎相違香塵動羅襪綠水不沾衣
陳王徒作賦神女豈同歸好色傷大雅多爲世所譏

三

裂素持作書將寄萬里懷眷眷待遠信竟歲無人來
征鴻務隨陽又不爲我栖委之在深篋蠹魚壞其題
何如投水中流落他人開不惜他人開但恐生是非

四

芙蓉嬌綠波桃李誇白日偶遇春風榮生此艷陽質
豈無佳人色但恐花不實宛轉龍火飛零落互相失

詎知凌寒松千載長守一

五

十五遊神仙仙遊未曾歇吹笙吟松風汎瑟窺海月
西山玉童子使我鍊金骨欲逐黃鶴飛相呼向蓬闕

六

西國有美女結樓青雲端蛾眉艷曉月一笑傾城歡
高節不可奪炯心如凝丹常恐彩色晚不爲人所觀
安得配君子共成雙飛鸞

七

竭來荆山客誰爲珉玉分良寶絕見棄虛持三獻君

八

直木忌先伐芬蘭哀自焚盈滿天所損沈冥道所群
東海有碧水西山多白雲魯連及夷齊可以躡清芬

嘉穀隱豐草草深苗且稀農夫既不異孤蕙將安歸
常恐委疇隴忽與秋蓬飛烏得薦宗廟爲君生光輝

感興

崔膺

富貴難義合困窮易感恩古來忠烈士多出貧賤門
世上桃李樹但結繁華子白屋抱關人青雲壯心死
本以勢利交勢盡交情已如何失情後始嘆門易軌

道州感興

呂溫

唐言類考 卷之二十一
始見花滿枝又看花滿地景且持增氣酒莫滴傷心
淚温深誠長鬱結芳晨自妍媚恭嘯歌聊永日誰知
此時意景
儉

感興

李端

香爐最高頂中有高人住日暮下山來月明山上去

感興

鄭谷

禾黍不陽艷競栽桃李春翻令力耕者半作賣花人

長安感興

鄭谷

徒勞悲喪亂自古戒繁華落日狐兔徑近年公相家
可悲聞玉笛不見走香車寂寞墻匡裏春陰控杏花

感興二首

白居易

吉凶禍福有來由但要深知不要憂只見火光燒潤
屋不聞風浪覆虛舟名為公器無多取利是身灾合
少求雖異匏瓜難不食大都食足早宜休
魚能深入寧憂釣鳥解高飛豈觸羅熱處先爭炙手
去悔時其柰噬臍何樽前誘得猩猩血幕上偷安燕
燕窠我有一言君記取世間自取苦人多

南遊感興

竇鞏

傷心欲問當時事唯見江波去不迴日暮東風春草
綠鷓鴣飛上越王臺

感興

孟郊

拔心草不死去根柳亦榮
獨有失意人恍然無力行
昔爲連理枝今爲斷絃聲
連理時所重斷絃今所輕
吾欲進孤舟三峽水不平
吾欲載車馬太行路崢嶸
萬物根一氣如何互相傾

感諷六首

李賀

人間春蕩蕩帳煖香揚揚
飛花染幽紅誇嬌來洞房
舞席泥金蛇桐竹羅花牀
眼逐春暝醉粉隨淚色黃
王子下馬來曲沼鳴鴛鴦
馬知腸車轉一夕巡九方

二

苦風吹朔寒沙驚秦木折
舞影逐空天畫鼓餘清節
蜀書秋信斷黑水朝波咽
嬌魂從回風死處懸鄉月

三

雜雜胡馬塵森森邊士戟
天教胡馬戰曉雲皆血色
婦人攜漢卒箭箠囊巾幘
不慙金印重踉蹌腰鞬力
恂恂鄉門老昨夜試鋒鏑
走馬遣書勳誰能分粉墨

四

青門放彈去馬色連空郊
何年帝家物玉裝鞍上搖
去去走犬歸來來坐烹羔
千金不了饌豚肉稱盤臊
試問誰家子乃老一作能
佩刀西山白蓋下賢雋寒

蕭蕭

五

曉菊泣一作寒露似悲團扇風秋涼經漢殿斑子泣
衰紅本無辭輦意豈見入空宮腰被珮珠斷灰蝶生
陰松

六

蝶飛紅粉臺柳掃吹笙道十日懸戶庭九秋無衰草
調歌送風轉杯池白魚小水宴截香腹菱科映青罩
丰蒙一作梨花滿春昏弄長嘯一作唯愁苦花落不
悞世哀到撫舊唯銷一作傷魂南山坐悲嘯

感諷五首

李賀

合浦無明珠龍州無木奴足知造化力不給使君須
越婦未織作吳蚕始蠕蠕縣官騎馬來獐色虬紫鬚
懷中一方板板上數行書不因使君怒焉得詣爾廬
越婦拜縣官桑牙今尚小會待春日宴絲車方擲掉
越婦通言語小姑具黃梁縣官踏餐去簿吏復登堂

二

奇峻無少年日車何躡躡我待紆雙綬遺我星星髮
都門賈生墓青蠅久斷絕寒食垂楊天憤景長肅殺
皇漢十二帝唯帝稱睿哲一夕信豎兒文明永淪歇

南山何其悲鬼雨灑空草長安夜半秋風前幾人老
低迷黃昏逕裊裊青櫟道月午樹無影一山唯白曉
漆炬迎新入幽壙螢擾擾

四

星盡四方高萬物知天曙已生須已養荷檐出門去
君平久不反康伯遁國路曉思何饒饒闐闐千人語

五

石根秋水明石畔秋草瘦侵衣野竹香蟄蟄垂葉厚
岑中月歸來蟾光掛空秀桂露對仙娥星星下雲逗

淒涼梔子落山壘泣清漏下有張仲蔚披書案將朽

三月過行宮

李賀

渠水紅繁擁御墻風嬌小葉學娥粧垂簾幾度青春
老堪鎖千年白日長

睢陽感懷

韋應物

豺虎犯天綱昇平無內備長驅陰山卒略踐三河地
張侯本忠烈濟世有深智堅壁梁宋間遠籌吳楚利
窮年方絕輸鄰援皆攜貳使者哭其庭救兵終不至
重圍雖可越藩翰諒難棄飢喉待危巢懸命中路墜
甘從鋒刃斃莫奪堅貞志宿將降賊庭儒生獨全義

厚言卷之二十一
空城唯白骨同往無賤貴哀哉豈獨今千載當歔歔

端居感懷

韋應物

沈沈積素抱婉婉屬之子永日獨無言忽驚振衣起
方如在幃室復悟永終已稚子傷恩絕盛時若流水
暄涼同寡趣朗晦俱無理寂性常喻人滯情今在已
空房欲云暮巢燕亦來止夏木遽成陰綠苔誰復履
感至竟何方幽獨長如此

感懷八首

孟郊

秋氣悲萬物驚風振長道登高有所思寒雨傷百草
平生有親愛零落不相保五情今已傷寒得自能老

二

晨登洛陽坂目極天茫茫群物歸大化六龍頽西荒
豺狼日已多草木日已霜饑年無遺粟衆鳥去空場
路傍誰家子白首離故鄉含酸望松柏仰面訴穹蒼
去去勿復道苦饑形貌傷

三

徘徊不能寐耿耿含酸辛中夜登高樓憶我舊星辰
四時不遷移萬物何時春唯憶首陽路永謝當時人

四

長安嘉麗地宮月生蛾眉陰氣凝萬里坐看芳草衰

玉堂有玄鳥亦以從此辭傷哉志士嘆故國多遲遲
深宮豈無樂擾擾復何爲朝見名與利暮還生是非
一作是姜牙佐周武世業永巍巍
與非

五

舉才天道親首陽誰採薇去去荒澤遠落日當西歸
義和駐其輪四海借餘暉極目何蕭索驚風正離披
鴟鴞鳴高樹衆鳥相因依東方有一士歲暮常苦饑
主人數相問脉脉今何爲貧賤亦有樂且願掩一作
柴扉

六

火雲流素月三五何明明光曜侵白日賢愚迷至精
四時更變化天道有虧盈常恐今已沒須臾還復生

七

河梁暮相遇草草不復言漢家正離亂王粲別荆蠻
野澤何蕭條悲風振空山舉頭是星辰念我何時還
親愛久別散形神各離遷未爲死生訣長在心目間
八

有鳥東西來哀鳴過我前願飛浮雲外飲啄見青天

感懷

于瀆

採薇易爲山何必登首陽濯纓易爲水何必泛滄浪

貴崇已難慕諂笑何所長東堂桂欲空猶有收螢光

感事

武 瓘

花開蝶滿枝花謝蝶還稀唯有舊巢燕主人貧亦歸

感事三首

元 稹

為國謀羊舌從來不為身此心長自保終不學張陳

二

自笑心何劣區區辨所寃伯仁雖到死終不向人言

三

富貴年皆長風塵舊轉稀白頭方見絕遙為一露衣

太和初靖恭里感事

許 渾

清湘吊屈原垂淚擷蘋蘩訪起乘軒鶴機沈在檻猿
乾坤三事貴華夏一夫寃寧有唐虞世心知不為言

感世

曹 松

觸目盡如幻幻中能幾時愁來捨行樂事去莫吞悲
白髮不由已黃金畱待誰耕煙得銘誌翻為古人思

感所見

白居易

巧者焦勞智者愁愚翁何喜復何憂莫嫌山木無人
用大勝籠禽不自由網外老鷄因斷尾盤中鮮鱠為
吞鈎誰人會我心中事冷笑時時一掉頭

歲晚自感

王 建

人皆欲得長年少無那排門白髮催一向破除愁不
盡百年迴避老須來草堂未辦終須置松樹難成亦
且栽瀝酒願從今日後更逢二十度花開

感時

白居易

朝見日上天暮見日入地不覺明鏡中忽年三十四
勿言身未老冉冉行將至白髮雖未生朱顏已先悴
人生誰幾何在世猶如寄雖有七十期十人無一二
今我猶未悟往往不適意胡爲方寸間不貯浩然氣
貧賤非不惡道在何足避富貴非不愛時來當自致
所以達人心中物不能累唯當飲美酒終日陶陶醉

斯言勝金玉佩服無失墜

感時三首

方干

不覺年華似箭流朝看春色暮逢秋正嗟新冢垂青
草便見故交梳白頭雖道了然皆是夢應還達者卽
無愁破除生死須齊物誰向穹蒼問事由

日鳥往返無休息朝出扶桑暮却回夜雨旋驅殘熱
去天風吹送早寒來纔憐飲處飛花片又見書邊聚
雪堆莫恃少年欺白首須臾還被老相催

世途擾擾復憧憧直恐華夷事亦同歲月自消寒暑
內榮枯盡在是非中今朝猶作青衿子明日還成白

首翁堪笑愚夫足紛競不知流水去無窮

有感

白居易

絕絃與斷絲猶在却續時唯有衷腸斷無應續得期

有感

劉駕

弓劍不自行難引河湟思將軍半夜飲十里聞歌吹

高門幾世宅舞袖仍新賜誰遣一書來燈前問邊事

有感二首

乙卯年有感
丙辰年詩成

李商隱

九服歸元化三靈叶睿圖如何本初輩自取屈釐誅

有甚當車泣因勞下殿趨何成奏雲物直是滅萑莆

證逮符書密辭連性命俱竟緣真漢相不早辨胡雛

鬼錄分朝部軍烽照上都敢云堪慟哭未免怨洪鑪

二

丹陛猶敷奏彤庭歛戰爭臨危對盧植

是晚獨召故相彭陽公入

始悔用龐萌御仗收前殿見徒劇背城蒼黃五色捧

掩遏一陽生古有清君側今非乏老成素心雖未易

此舉太無名誰瞑銜冤目寧吞欲絕聲逃聞開壽讌

不廢用咸英

有感

李商隱

非關宋玉有微辭却是襄王夢覺遲一自高唐賦成

後楚天雲雨盡堪疑

驪山有感

李商隱

驪岫飛泉泛暖香
九龍呵護玉蓮房
平明每幸長生殿
不從金輿唯壽王

有感

李商隱

中路因循我所長
古來才命兩相妨
勸君莫強安蛇足
一盞芳醪不得嘗

重有感

李商隱

玉帳牙旗得上游
安危須共主君憂
竇融表已來關右
陶侃軍宜次石頭
豈有蛟龍愁失水
更無鷹隼與高秋
晝號夜哭兼幽顯
早晚星關雪涕收

雜感

白居易

君子防悔尤賢人
戒行藏嫌疑遠瓜
李言動慎毫芒
立教圖如此撫事
有非常為君持聽
感仰面問蒼蒼
犬嚙桃樹根李樹
反見傷老龜烹不
爛延禍及枯桑
城門自焚蕪池魚
罹其殃陽貨肆兇
暴仲尼畏於匡
魯酒薄如水邠鄆
開戰場伯禽鞭見
血過失由成王
都尉身降虜宮刑
加子長呂安兄不
道都布殺嵇康
斯人死已久其事
甚昭彰是非不由
已禍患安可防
使我千載後涕泗
滿衣裳

雜感

鮑防

漢家海內承平久萬國戎王皆稽首天馬常銜苜蓿
花胡人歲獻蒲萄酒五月荔枝初破顏朝離象郡夕
函關鴈飛不到桂陽嶺馬走皆從休邑山甘泉御果
垂仙閣日暮無人香自落遠物皆重近皆輕雞雖有
德不如鶴

雜感

韋莊

莫悲建業荆榛滿昔日繁華是帝京莫愛廣陵臺榭
好也曾荒沒作蕪城魚龍爵馬皆如夢風月煙花豈
有情行客不勞頻悵望古來朝市嘆衰榮

寓言二首

王維

朱紱誰家子無迺金張孫驪駒從白馬出入銅龍門
問爾何功德多承明主恩鬪鷄平樂館射雉上林園
曲陌車騎盛高堂珠翠繁柰何軒冕貴不與布衣言

二

君家御溝上垂柳夾朱門列鼎會中貴鳴珂朝至尊
生死在八議窮通由一言須識苦寒士莫矜狐白溫

寓言二首

李白

周公負斧戾成王何夔夔武王昔不豫剪爪投河湄
賢聖遇讒慝不免人君疑天風拔大木禾黍咸傷萎
管蔡扇蒼蠅公賦鴟鴞詩金縢若不啓忠信誰明之

二

搖裔雙彩鳳婉變三青禽往還瑤臺裏鳴舞玉山岑
以歡秦娥意復得王母心區區精衛鳥銜木空哀吟

三

長安春色歸先入青門道綠楊不自持從風欲傾倒
海燕還秦宮雙飛入簾櫳相思不相見託夢遼城東

寓言

孟郊

誰言碧山曲不廢青松直誰言濁水泥不污明月色
我有松月心俗騁風霜力貞明既如此摧折安可得

寓言

韋莊

為儒逢世亂吾道欲何之學劍已應晚歸山今又遲
故人三載別明月兩鄉悲惆悵滄江上星星鬢有絲

寓言

魚玄機

紅桃處處春色碧柳家家月明樓上新粧待夜閨中
獨坐含情芙蓉月下魚戲蝶竦天邊雀聲人世悲歡
一夢如何得作變成

寓言

李洞

三千宮女露娥眉笑煮黃金日日遲麟鳳隔雲攀不
及空山惆悵夕陽時

寓言

韋莊

原言類
卷之二十一
黃金日日銷還鑄仙桂年年折又生兔走鳥飛如未
息路塵終見泰山平

寓言

黃滔

流年五十前朝朝倚少年流年五十後日日侵皓首
非通非介人誰論四十九賢哉蘧伯玉清風獨不朽

寓言

杜牧

暖風遲日柳初含顧影看身又自慙何事明朝獨惆
悵杏花時節在江南

寓意五首

白居易

豫樟生深山七年而後知挺高二百尺本末皆十圍

天子建明堂此材獨中規匠人執斤墨採度將有期
孟冬草木枯烈火燎山陂疾風吹猛焰從根燒到枝
養材三十年方成棟梁姿一朝爲灰燼柯葉無子遺
地雖生爾材天不與爾時不如糞土英猶有人掇之
已矣勿重陳重陳令人悲不悲焚燒苦但悲採用遲

二

赫赫京內史炎炎中書郎昨傳徵拜日恩賜頗殊常
貂冠水蒼玉紫綬黃金章佩服身未暖已聞竄遐荒
親戚不得別吞聲泣路旁賓客亦已散門前雀羅張
富貴來不久倏如瓦溝霜權勢去猶速瞥若石火光

不如守貧賤貧賤可久長傳語宦遊子且來歸故鄉

三

促織不成章提壺但聞聲嗟哉蟲與鳥無實有虛名
與君定交日久要如弟兄何以示誠信白水指為盟
雲雨一為別飛沈兩難并君為得風鵬我為失水鯨
音信日已踈恩分日已輕窮通尚如此何況死與生
迺知擇交難須有知人明莫將山下松結托水上萍

四

翩翩兩玄鳥本是同巢燕分飛來幾時秋夏炎涼變
一宿蓬草廬一栖明光殿偶因銜泥處復得重相見

彼矜杏梁貴此嗟茅棟賤眼看秋社至兩處俱難戀
所託各暫時胡為相嘆羨

五

婆娑園中樹根株大合圍蠢爾樹間蟲形質一何微
孰謂蟲至微蠱蠹無已期孰謂樹至大花葉有衰時
花衰夏未實葉病秋先萎樹心半為土觀者安得知
借問蟲何在在在身不在枝借問蟲何食食心不食皮
豈無啄木鳥背長將何為

寓意

李咸用

直道荆棘生斜徑紅塵起蒼蒼杳無言麒麟迴瑞趾

東風如未來飛雪終不已不知姜子牙何處釣流水

寓興二首

賈島

莫居暗室中開目閉目同莫趨碧霄路容飛不容步
暗室未可居碧霄未可趨勸君跨僊鶴日下雲為衢

二

真集道方至貌殊妬還多山泉入城池自然生渾波
今時出古言在衆翻為訛有琴含正韻知音者如何
一生足感激世言忽差我不得市井味思響吾巖阿
浮華豈我事日月徒蹉跎曠哉潁陽風千載無其他

寓興二首

劉禹錫

常談卽至理安事非常情寄語何平叔無為輕老生

二

世途多禮數鵬鷄各逍遙何事陶彭澤拋官為折腰

寓興

林寬

西母一杯酒空言浩劫春英雄歸厚土日月照閑人
衰草珠璣塚冷灰龍鳳身茂陵驪岫晚過者暗傷神

寓題

杜牧

把酒直須判酪酏逢花莫惜暫淹留假如三萬六千
日半是悲哀半是愁

蜀中寓懷

李山甫

唐言類苑 卷之三百九
千里煙霞錦水頭五丁開得也風流春裝寶
樹日照仙州萬萬樓蛙似公孫雖不守龍如諸葛亦
須休此中無限英雄鬼應對江山各自羞

寓懷

李山甫

萬古交馳一片塵思量名利孰如身長疑好事皆虛
事却恐閑人是貴人老逐少年終不放辱隨榮後直
須勻勸君不用誇頭角夢裏輸贏總未真

傷時

孟郊

常聞貧賤士之常咨爾富者莫相笑男兒得路卽榮
名邂逅失途成不調古人結交而重義今人結交而

重利勸人一種種桃李種亦直須遍天地一生不愛
囑人事囑卽直須爲生死我亦不羨季倫富我亦不
笑原憲貧有財有勢卽相識無財無勢同路人因知
世事皆一作只如此却向東溪卧白雲

時興

楊貴

貴人昔未貴咸願顧寒微及自登樞要何曾問布衣
平明登紫閣日宴下彤闈擾擾路傍子無勞歌是非

傷時

鄭雲叟

帆力劈開滄海浪馬蹄踏破亂山青浮名浮利過於
酒醉得人心死不醒

自傷

王建

衰門海內幾多人滿眼公卿總不親
四授官資元七品再經婚娶尚單身
圖書亦為頻移盡兄弟還因數
散貧獨自在家常似客黃昏哭向野田春

詠情

一作感寓

孟郊

濁水心易一作傾明波興初發
思逢海底人乞取蚌中月
此興若未諧此心終不歇

書情

杜牧

誰家洛浦神十四五來人媚髮輕垂額
香衫軟着身摘蓮紅袖濕窺渌翠娥頻飛鵲
徒來往平陽公主親

懊惱

孟郊

惡詩皆得官好詩空抱山抱山冷
燒燒終日悲顏顏好詩更相嫉
劍戟生牙關前賢死已久猶在咀嚼間
以我殘杪身清峭養高閑求閑未得閑
眾謂瞋虤虤

懊惱曲

溫庭筠

藕絲作線難勝針藥粉染黃那得深
玉白蘭芳不相顧青樓一笑輕千金
莫言自古皆如此徒劍刺鍾鉛繞指
三秋庭綠盡迎霜唯有荷花守紅死
廬一作江小吏朱班輪柳縷吐芽香
玉新兩股金釵已相許不令獨作空
成塵悠悠楚水流如馬恨紫愁紅滿
平野

野土千年怨不平至今燒作鴛鴦瓦

小吏未盡命...

...

...

...

...

...

...

...

唐詩類苑卷第一百十九終

